

Korinthi Chostshogsla Paului Chagdis Tanpo.

Korinthi chostshogsla Paului chagdissi skor.

I chagdis tan sjunme chostshogssi uskyongun gyudte, nadasna i chagdispo Tsoo Yesu mashike skutshabs Paului dia dzadkanbo gyus chanog.

Chossi khaspagun gyudte, i chagdispo Yesu donste sotea zhanste stine lo 22 nyekhorla dia dzadkanbo nadasgunla gyus chanog. I chagdispo khonji Ephesussi nanja yodtus dia dzadte innog.

Paului i chagdissi nanja Korinthi Mashikapagunni tatpa tan mitshe phudcessi skorla tiwa tikangunla lantaces matshad, khongunni chostshogssi nanja cunin yodkanni northulgunni skorla, skyomocanni nastshul tshorcespoe dia dzads.

Tegun:-

Tanpo, choschogssi nanja, khag budte uskyon sosoe gyabne dulces, dziymo, lusdel nanpe codpa lusshugste yodkan tshanma medkan coces;

Nyispa, bagston cosces ya macoa dugces nyiskoe nanne kabo gyalla in teboe skorla labba dzadces;

Sumpa, khonji nadasgunla mashike nanja ranwan yodcespo labba dzads. Innan nadasgunni cizhig conan zhanma Mashikapagunni phanthogssi phia, camspe nanja, cogos kaboe khongunla khoranji dadpe nanja ghaggyab micug;

Zhipa, skundagunla chodpa phulkanni zan zacespo chogste inna man teboe skorla labba dzadces;

Shapa, chostshogsla salla dzadkanni khyudgun yan tenanne kagun chostshogs ldancessi phia khagcan in teboe skorla labba dzadces;

Dugpa, shite sotea lanja dzadces yan nadasgunni zugspo somabo kazugshig yonin teboe skor labba dzadces;

Rdunpa, makedoniye chostshogsgunla thugste stine, Korinthi chostshogsla yanskyar thugga yoncessi thabsldinngun shadda dzadces.

Paului chogsne ju.**1:1 ne 3**

1 ¹ I igebo ɲa Paulu Konchoggi thuggoɲs naɲzhin, Mashika Yeshui skutshabsla ldamma dzadkanni chogsne in. Ɋadaɲɲi spun Sosthenessiaɲ ju kaldug. ² Ɋe i igebo, Korintheta gyalse Konchoggi chostshogsgunla kallad. Konchoggi khyozhaa khoɲɲi mi dampagun gyurcesla bodda dzads, yaɲ Mashika gyudte khyozhagun stsaɲma coa dzads, kazug khoɲɲi jigsten gaɲpoe naɲɲa Tsoo Yeshu mashikeka tatpa khyoɲkan tshaɲma nyampo coa dzadte innog. Khoɲ ni, ɲadaɲgun taɲ khoɲgunni Tsoo zhugste innog. ³ Konchog ɲadaɲgunni yab taɲ Tsoo Yeshu mashike thugrje taɲ zhide khyozhagunla salshig.

Paului Konchogga thugrjeche zhua dzads.**1:4 ne 9**

⁴ Khyozhagunni phia ɲe tusgyun ɲaraɲɲi Konchogga thugrjeche zhuad, ciazhuna khoɲɲi mashike naɲɲa khyozhagunla khoɲraɲɲi thugrje salla dzadte innog. ⁵ Mashika gyudte Konchoggi khyozhe chostshogsgunla cisathogne cinlabs salla dzadte innog, migsalli gamoe nastshul shadces taɲ khoɲɲi labzha tshaɲma hagocessi naɲɲa. ⁶ Teboe, ɲazhagunni khyozhagunla mashike skorla shadkangun ɗaɲpo inkanbo stannanog. ⁷ Teboephia ɲadaɲgunni Tsoo Yeshu Mashika logste phebsshessi phia khyozhagun riɲsin ʂuɲ zane, khyozhagunni lagga gosdom yodkanni semsnyiddi khyud tshaɲma yodte innog. ⁸ Ɋadaɲgunni Tsoo Yeshu Mashika logste phebcessi zhagga, skyonmedkan thecessi phia, Konchoggi khyozhagun shishi tshogpa, dadpe naɲɲa stanpo borra dzadin. ⁹ Konchoggi tebo coa dzadin, ciazerna khoɲ ni idshescanzhig zhugste innog. Khoɲɲi khyozhagun ɲadaɲgunni Tsoo khoɲraɲɲi ʂas Yeshu Mashika nyampo ɗel borcesla, bodda dzadte innog.

Chostshogssi naɲɲa thundel medkan.**1:10 ne 17**

¹⁰ Ɋe spun taɲ spunmo gun, ɲadaɲgunni Tsoo Yeshu mashike ɲaa waɲ salla dzadkan gyudte khyozhagun thundel nyampo dugces, chostshogssi naɲɲa pobudte tshogspa soso medces yaɲ samtshul taɲ thagcadgunnaɲ cig yoɲcesla ɲe maʂaɲte zhuwa phullad. ¹¹ Spun taɲ spunmo gun, ɲe igun zerrad, ciazerna Khaloi zerkanni

spunmoboe naŋmi khaciggi, khyozhagunni ʔoa dziŋmo yodkanni skorla shaddarag. ¹² Kazug "Khyozhaa khaciggi 'Ŋaa Paului labzhe gyabne' khaciggi 'Ŋaa Apolossi labzhe gyabne' ya, 'Ŋaa Pitarri labzhe gyabne' ya, 'Ŋaa Mashika cigpoe gyabne' ɖullad zerin innog."

¹³ Ci Mashika tshogspa soso riggi naŋŋa goa dzadte innogga? Ci ŋa Paulu khyozhagunni phia ʂkyaŋshiŋŋika ʂkyaŋssa? Ci khyozhagunni ʔone suzhigga Paului miŋŋi naŋŋa ʔhustaŋsa? Tantanla mataŋs. ¹⁴ Ŋe khyozhagunni ʔone spun Krispus taŋ Gayus gunla mastogs, zhansuzhiggaŋ ʔhus mataŋskanboe phia Konchogga thugrjeche zhuad. ¹⁵ Ciazerna lobʔug gyurcessi phia ŋe khouŋunla ʔhus taŋste in suzhiggaŋ zer minyan. ¹⁶ (Ona spun Stephannassi naŋmigunlaŋ, ŋe ʔhus taŋspin, tennabo mane zhansuzhiggaŋ ʔhus taŋkan ŋaa idtu merag). ¹⁷ Mashike ŋaa ʔhus taŋcesla manpa, gamoe nastshul shadcesla lamcugga dzads. Mashike ʂkyaŋshiŋŋi khyudpo mistorcessi phia ŋe gamoe nastshul shad zane shesrabscanni spera kollamed.

Konchoggi shesrabs.

1:18 ne 31

¹⁸ ʔhesstor chacessi lammika ɖulkan migunni phia ʂkyaŋshiŋŋika Mashika ʂkyaŋskanni lonbo tonmedzhig innog. Innaŋ ŋadaŋ skyobba dzadin yodkangunla tenna lonbo Konchoggi khyudcan stobspo innog. ¹⁹ Kazug dampe suŋrabssi naŋŋa Konchoggi moldug.

"Mi khaspe shesrabsgun

Yaŋ khoranŋ rigpagan in samkangunni

Samtshulgunla caŋ rin medkanbo ŋe stanin.^a

²⁰ Tene shesrabscangun ya yontancan khaspagun ya spera shadkan khaspagun karu soŋ? Konchoggi i jigstenpe shesrabsgun tonmed inkanbo stanna dzadte manogga? ²¹ Jigstenpagunla khoranŋi shesrabsgun gyudte Konchog shes minyancespo khouŋi thagcadda dzadspa, Konchoggi ŋazhe tonmeddi lon shadkanboe naŋŋa, idshes cokangun skyobba dzadcesla thabsldiŋs dzads.

²² Namkane stagsrig thoŋte mane, idshes mico zerkanni Yahudapagunni phia, te lonbo tonmed innog, yaŋ jigstenni shesrabs tsalin ɖulkanni Yahudapa mankangunni phiaŋ, tonmed innog. ²³ Ŋazhe Mashika ʂkyaŋshiŋŋika ʂkyaŋskanni

^a1:19 ibo ni zhalchad snyiŋpe Yeshya speche 29:14 naŋŋa yodte innog.

skorla chosshadkanbo Yahudapagunni phia tatpa cocesla ghaggyabkanni rdoa yaŋ Yahudapa mankangunni phia ibo tonmed innog.

²⁴ Innaŋ Konchoggi tharpa thobcesla bodda dzadkanni, Yahudapa taŋ Yahudapa mankan nyiskoe phia, mashike lonbo ni, Konchoggi shesrabs taŋ shed gun innog.

²⁵ Zhan Konchoggi tharpe thabspo tonmed thenaŋ, tebo ni mii thabs cheshoggunni saŋ maŋŋa shesrabscaŋ yaŋ Konchoggi uthugspoaŋ, mii khyud shedshogpoe saŋ maŋŋa shedcanzhig innog.

²⁶ Spun taŋ spunmo gun, idtu coshig, Konchoggi khyozhagun bodda dzad zane, khyozha maŋcheabo, jigstenpe thogne khaspa ya stobscana ya stsiwacana manpin.

²⁷ Matshad, khoran khaspa rig in samkangun, thelba cocessi phia, Konchoggi jigstenpagunni tonmed samkanni tenna migun ldamma dzadte inpin. Yaŋ khoŋŋi waŋcangunla thelba coa dzadcessi phia shedmed yodkana tenna migun ldamma dzadte inpin. ²⁸ Jigstenpagunni khagcana innog samkangun medkana coa dzadcesla khoŋŋi jigstenpe thogne rinmed, stsiwa medkana taŋ khagcana mankan theakanni migun, ldamma dzadte inpin. ²⁹ Teboe zhaste, Konchoggi skundunla phoso suzhiggiaŋ co minyan.

³⁰ Konchoggi khyozhagun Mashika Yeshu nyampo thundelli naŋŋa khyoŋŋa dzadte innog. Yaŋ ŋadaŋgunni phanthogssi phia, Konchoggi Mashika ŋadaŋŋi shesrabsco coa dzads. Ŋadaŋŋi daŋpo, dampa taŋ raŋwaŋbo khoŋ innog.

³¹ Kazuggi dampe suŋrabssi naŋŋa molte dug,

"Galtes khyozhagun phoso conyin yodna tene Tsoo Konchog cigpoeka phoso tshorshig."^b

Shesrabssi skorla Paului labzha.

2:1 ne 16

2¹ Spun taŋ spunmo gun, khyozhaa Konchoggi saŋwe thabspo shadcesla ŋaa gomaraŋ yoŋ zane, ŋe taŋpo shesrabs ya halasshessi tshigs makolpin.

² Ciazerna ŋa khyozhaa nyampo yod zane, ŋe khyozhagunla ŋkyanŋhiŋŋika ŋkyanŋskanni Yeshu Mashika cigpo mastogs zhanyaŋ cizhiggi skorla mishadces thagcadpin. ³ Khyozhagun nyampo yodtus, mashike chaglas cocessi naŋŋa ŋa uthugs, thelkan taŋ jigskanzhig tshorra ragpin. ⁴ De labzha taŋ chosshadces gun hagoala lamo yaŋ thulces taŋ khaspa speragunnika rag malassa, ŋe dampe

^b1:31 ibo ni zhalchad snyiŋpe yeremyi speche 9:24 naŋŋa yodte innog.

thugnyiddi khyozhagunni naŋŋa chaglas dzadcespoeka idshes coste labzha taŋspin.
⁵ Ñe tebo khyozhagunni, mii shesrabssika manpa, Konchoggi sheddi naŋŋa idshes cocessi phia cospin.

⁶ Dadpe naŋŋa ldankangunni ƣoa yod zane, ñe shesrabscanni tshigsgun nyampo spera taŋŋad. Innaŋ te shesrabsgun, gyogspa medkan chacescanni i jigstenpa ya i jigstenni waŋsulpa gunni manog. ⁷ Ñazhe spera taŋkanni shesrabspo ni, Konchoggi saŋwe thabspo innog, kabo khoŋŋi vaste borra dzadte in. Innaŋ ñadaŋgunla zirrijid thobcessi phia jigsten machagssi saŋ sŋunla, khoŋŋi i thabspo coa dzadte inpin. ⁸ I jigstenni waŋsulpagunni te saŋwe thabspo, hamagoa innog. Galtes hagopinna, khoŋgunni ñadaŋŋi zirrijidcanni Tsoobo şkyañshiŋŋika şkyañste medđo. ⁹ Tennaboephia dampe suŋrabssi naŋŋa molte innog

" Suzhiggiaŋ mathoŋkan ya matshorkan

Ya sambe naŋŋa medkanzhig

Konchogga cessa cokangunni phia

Đaldig coa dzadte yodte innog."^c

¹⁰ Innaŋ tegun Konchog khoŋraŋŋi thugnyidpoe, ñadaŋgunla sŋon cugga dzadte innog. Dampe thugnyidla citshaŋma thuggyus innog, Konchoggi saŋwa ƣagpogunnaŋ. ¹¹ Mizhiggi samkangun tenna miboe semsnyid mastogs zhan sumizhiggaŋ gyus chamanog. Tenna tsogsla Konchoggi thugssamgun khoŋŋi thugnyid cigpo mastogs, zhansuzhiggaŋ gyuscha manog. ¹² Yaŋ ñadaŋgunla jigstenpe semsnyid manpa, Konchoggi thugnyid thobste incespoe, ñadaŋgunla Konchoggi halasshessi skyegun rin medpa salla dzadkanbo hago thubste innog.

¹³ Khyozhagunla te tshaŋme skorla shad zane, ñazhe mii shesrabsne cuŋkanni tshigsgun makolla, thugnyiddi salkanni tshigsgun gyudte, spera taŋŋad. Thugnyiddi denbagun^d labcesla thugnyidcanni tshigsgun kollad. ¹⁴ Innaŋ thugnyid medkanni miboe, Konchoggi thugnyidne yoŋskanni denbagunnika idshes coa manog. Te miboa igun tonmed tshorranog, yaŋ khoa hagoa manog, ciazerna thugnyid yodkangunla mastogs, yaŋsuaŋ tegun hago thubba manog. ¹⁵ Thugnyid yodkangunni citshaŋme skorla stagcad coste hagonyannanog, innaŋ thugnyid medkangunni thugnyid yodkangunni cozo taŋ samzo gun hago thubba manog.

¹⁶ Ciazerna

^c**2:9** ibo ni zhalchad snyiŋpe Yeshya speche 64:4 naŋŋa yodte innog.

^d**2:13** thugnyiddi denbagun ni te denbagun innog kabo ñadaŋŋi migne thoŋ mithub innaŋ Konchoggi ñadaŋgunla sŋon cugga dzaddanog.

"Sua Tsooe thugssamgun gyus chen?

Sui lagga, khoṅṅa labzha taṅcessi shesrabs yod?"

Innaṅ ṅadaṅgunni naṅṅa mashike thugssamgun yod pasañ, ṅadaṅgunla tegun hagothubbanog.

Mashike zhabstogpa Paulu taṅ Apolos.

3:1 ne 23

3¹ Spun taṅ spunmo gun, ṅa khyozhagun nyampo yodtus, ṅe khyozhaa lab zane, thugnyiddi naṅṅa ldankanni migun tsogsla lab manyanna, i jigstenpa ya mashike dadpe naṅṅa ṅugu chuṅun gun tsogsla labgos. ² De khyozhagunla zan manpa, oma stergos, ciazerna khyozhagun zan zacesla ḍalḍig midugpin, yaṅ taruṅṅaṅ khyozhagun ḍalḍig medpa innog. ³ Taruṅṅaṅ i jigstenpe phudkan tsogssi mitshe, khyozhagunniyaṅ phuddug. Khyozhagunni naṅṅa cig taṅ ciggi phia tshigces taṅ dziṅmo yodte innog. Ci tebo khyozhagunnika khyozharaṅṅi sdigpe dodpagunni waṅṅulte manogga? Ci khyozhagunni, jigstenpagun tsogsla mitshe phudinzhig medda? ⁴ Nam khyozhe ṅone ciggi, "Ḍa ni Paului gyabne ḍullad" yaṅciggi, "Ḍa ni Apolossi gyabne ḍullad" zerna, ci khyozhagunni i jigstenpagun tsogs coste manogga?

⁵ Su innog Apolos? Su innog Paulu? Ḍazhaa ni Konchoggi zhabstogpazhig in, kagun gyudte, khyozhagunni gamoe nastshulli naṅṅa idshes coste innog. Tsooe salla dzadkanni raṅraṅṅi lasgun ṅazhe coste innog. ⁶ De khyozhe snyiṅgunni naṅṅa saon tabste, Apolossi teboa chu taṅste innog, innaṅ tebo ldan cugga dzadkanbo ni, Konchog zhugste innog. ⁷ Saon tabkan ya chu taṅkanbo khagcan manog, khagcan ni saon ldan cugga dzadkanni Konchogpo innog. ⁸ Saon tabkan taṅ chu taṅskangunni nyampo dodpa cig borte las coste innog. Yaṅ khoṅ nyiskoa zhabstog zhukan naṅzhinla solras thobin. ⁹ Ḍazhaa nyisko Konchoggi zhabstogpa yaṅ khyozhagun khoṅṅi zhiṅ taṅ phoḍaṅ gun innog.

¹⁰ Konchoggi thugrje ṅe naṅṅa yodcespoe zhaste ṅe stsigson khaspazhig tsogsla, Konchoggi phoḍaṅṅi magldanbo taṅspin. Ta zhanmagunni teka stsigin innog. Teka stsigkangunni maṅaṅte snaṅṅa taṅste stsiggos. ¹¹ Ciazerna ṅazhe stsigste yodkan Yeshu mashike magldan cigpo mastogs, suzhiggiyaṅ yaṅ magldanzhig taṅ minyan.

¹² Te magldanboika stsigkangunni rinthaṅ sosoe gyu snatshogs rig kolṅidces innog, sperna, khaciggi ser, mul taṅ, rincan rdoa gun yaṅ khaciggi shiṅ, phugma, ya tsaskampo gun. ¹³ Innaṅ ṅhimscaddi zhagga, te stsigson rere las cokanbo,

me gyudte sjonin. Tenna meboe stagcad coste mi reree lasgunni rinthan stanin.
¹⁴ Galtes mee nanja sonjean laspo medkan machana, te stsigsonboa solras thobin.

¹⁵ Galtes laspo mea zhenna, te stsigsonboe citshanma medkan chen, innan me nanne mizhig kagspo nyampo skyobba tsogsla kho skyobin.

¹⁶ Ci khyozhaa, chostshogspo Konchoggi chodkhan yan Konchoggi thugnyid khyozhagunni nanja zhugskanbo, gyuscha meragga? ¹⁷ Galtes suzhiggi i chodkhanbo shigces cona, khoa Konchoggi medkan dzadin, ciazerna Konchoggi chodkhan dampa innog, yan khyozhagun tenna chodkhanbo innog.

¹⁸ Ranjanranja gobmaskorshig. Galtes i jigstenpe samkan tsogsla khyozhean khyozharan shesrabscan in sammadna, tene khyozhagun denbaa shesrabscan gyurcessi phia sammed rig gyurgos. ¹⁹ Ciazerna Konchoggi thogne, i jigstenni shesrabspo ni sammedcig innog, kazuggi dampe sunrabssi nanja molte dug "Khoranji skyonjanni thabsgun kolte Konchoggi shesrabscangun zumma dzads."^e
²⁰ Yan iboan molte yodte innog, "Jigstenni shesrabscanni sambagun Tsooe khyenna dzaddanog, yan tegun rinmed inkanbo khorja thuggyus innog."^f

^{21–22} Tennaboephia chostshogssi sponboe gyabne, dulcessi nanja phoso macoshig, ciazerna citshanma khyozhagunni innog. Denba Paulu, Apolos, Pitar, jigsten, mitshe, shices, dagsa tan yoncescan tshanma khyozhagunni phanthogssi phia innog. ²³ Yan khyozhagun mashike innog yan Mashika Konchoggi innog.

Korinthi chostshogs nyampo Paului del.

4:1 ne 21

4 ¹ Teboephia Apolos tan naa, Konchoggi sanwe thabssi skorla, hagocugcessi khag kalla dzadkanni mashike yogpo tsogs samgosces innog. ² Ta tezug khagcan khag kalkanni mibo idshescanzhig yongos. ³ Thimspon ya khyozhe ne lassi skorla thagcad tanja, naa can tsherces merag, ne naranjean te skorla thagcad tanamed. ⁴ Ne semspo lagmo in, innan teboe na nonmed inkan stanna manog. Tsoo cigpoe, naa stagcad coa dzadte thagcad dzadin.

⁵ Teboephia Konchoggi ldamma dzadkanni tus yanja Mashika logste phebsi san sjunla, suzhiggi skorlan thagcad matanshig. Ciazerna khorja nadanunni munnaggi sanwagun oddi nanja khyonja dzadte nadan ranran sosoe las cokanni

^e3:19 ibo ni zhalchad snyinpe Yobbi speche 5:13 nanja yodte innog.

^f3:20 ibo ni zhalchad snyinpe sungurri speche 94:11 nanja yodte innog.

gyuntshan sjon cugga dzadin. Tene Konchoggi mi rerea ospa nanzhin stodpa salla dzadin.

⁶ Spun tañ spunmo gun, khyozhe phanthogssi phia ñe labzha tañskangunni nanña Apolos tañ ñarañ spe tshulla kolpin. Galtes dampe suñrabssi nanña "Griiskanni sañ thalte machaa" molkanboeka snañña coadna, tene khyozhaa lobpon cig, zhangunni sañ tagpo stsiste khoe gyabne ðulcesla phoso mitshor. ⁷ Khyozhagunla tezug thagcad tañcessi thobtañ sui tañs? Khyozhagunni lagga yodkan tshañma Konchoggi salla dzadte manogga? Galtes Konchoggi salla dzadte inna, tene khyozhe mankan Konchoggi te skyesgunnika khyozhe kazuggi phoso coad?

⁸ Khyozhagunni lagga gossdom tshañma yod, yañ chugpo in samma ragga? Ci khyozhagunni Konchoggi gyalşiddi nanña ñazhagun medpa wañşulces gozug co tsharte inna? Ñe dodpa coad denbaa khyozhagunni wañşulin yodshigphiañ, tene ñadañgunni nyampo wañşullad ðo. ⁹ Parparriga ñe sammarag, Konchoggi ñazhaa mashike skutshabsgun jigstenpa gañpo tañ phonya gunni dunla stanmo stanna borkan tsogsshig dug, kazuggi sadcesla ðhimscad tañkanni maggi tsonpagun gyalkhaa thobkanni ðhomsskorri stinjugga borrad.

¹⁰ Ñazhagunni mashike phia zhabstog zhucespoe, ñazhagun sammed tsogsshig thoñdug, innañ khyozhagunni mashike nanña mañsteañ khaspa rig in samdug. Ñazhagun uthugs rig, khyozhagun shedcan rig. Khyozhagunla stsiwa tañ ñazhagunnika habgod tañs. ¹¹ Dagsañ ñazhagunla stogshes tañ skomshes yoñdug, yañ ñazhagun koslag snyiñpa cadpo gonnad. Ñazhagunla rduñgyab tañs, yañ dugse khañpañ med. ¹² Mitshee gossdomgun rigcessi phia ñazhagunni şante ñalñal tshogpala, ñazharaññi lagpane las coad. Ñazhaa ñan tabkangunla ñazhagunni cinlabs taññad. Nags stan zane, ñazhe zodpa nyampo khurrad. ¹³ Ñazhaa ñan tabkangunla ñazhagunni spera zañpo nyampo lantaññad. Dagsañ ñazhagunla, jigsten gañpoe thugshog rigsñan migun matshad, khyimsa khamlog tsogs therug.

¹⁴ Ñe i zerkan tshañma khyozhagunla ðhelba cocessi phia ðiamed, innañ ñaraññi cespe ðugugun tsogsla spañpuddad. ¹⁵ Khyozhagunla mashike skorla labkan stoñcu yodnañ, khyozhagunla semsnyiddi thogne, aba cig yodte innog. Ciazerna nam ñe khyozhagunla gamoe nastshul shads, ña Mashika Yeshui nanña khyozhagunni aba gyurte inpin.

¹⁶ Ñe khyozhagunla, ña tsogssi mitshe phudcesla snyiñne zhuwa phullad. ¹⁷ Tennaboephia Tsooe nanña ñe ñaraññi cessa tañ idshescanni butsha Timothy khyozhagun yodsa lamcugspin. Mitshe phudcessi skorla karuñsa chostshogs

tshaŋme naŋŋa ɲe labkan tsogssi mitshe, ɲe Mashika Yeshui gyabne ɖulin phudkanboe skorla Timothii khyozhagunla idtu skulin.

¹⁸ Ɖa khyozhagun yodsa yaŋskyar thuggala yoŋŋa manog samste, khyozhagunni ɖone khacig phosocan gyurte yodtigrag. ¹⁹ Konchoggi thuggoŋs yodna, ɲa gyogspa yoŋin. Tene ɲe te phosocangunni samba medkanni spera ya, khoŋgunni naŋŋa Konchoggi denbe waŋchagun yodkanbo sta thubin. ²⁰ Ciazerna Konchoggi gyaɖsiddi naŋŋa dugkangunni spera taŋtshul manpa, Konchoggi waŋche naŋŋa mitshee phuddanog. ²¹ Khyozhagunni kabo ldammad? Ɖa khyozhagun yodsa berga khurte chadpa caddala yoŋŋa ya, cespa taŋ semsnyid pasmo nyampo yoŋ?

Chostshogssi naŋŋa lusɖel ɲanpaa skyonrjod dzads.

5:1 ne 13

5 ¹ Khyozhagunni ɖoa tezug lusɖel ɲanpa rig dug zerte tshor, kabo tatpa medkangunniyaŋ coa manog, khyozhe chostshogssi naŋŋa butshazhiggi khoranŋi matshabs^g nyampo lusɖel bordug zerte ɲaa shaddarag. ² Khyozhagunni sdugpo taŋ thelbe naŋŋa nyaŋan coste, te mibo chostshogssi ɖone phiŋgoŋes innog. Innaŋ khyozhagunni teboeka phoso tshordug.

^{3–4} Zhan ɲa ɲaraŋ khyozhagunni ɖoa mednaŋ, semsnyiddi thogne ɲa khyozhaa nyampo in. Yaŋ ɲa teru khyozhaa nyampo yodkan tsogsla, ɲe Tsoo Yeshui waŋŋi naŋŋa, te miboeka thimscad taŋ tsharte in. Khyozhaa chostshogs gaŋpo dzom zane, ɲe sems yaŋ Tsoo Yeshui khyud, khyozhagun nyampo yoŋin. ⁵ Tene khoa sdugsŋal thoŋte dodpa ɲanpagunni kane gyodpa skyeste, Tsoo logste phebsnessi zhagga, kho skyobcessi phia khyozhagunni te mibo chostshogsne philogga phiŋste rdudgunni goba shetanni lagga stadgos.

⁶ Khyozhagunni teboeka phoso cocespo ni jigsnaŋcan zhig dug. Ci i sdigpabo pagpe gaŋpoe naŋŋa, phelkanni skyur chuŋun tsogs inkanbo khyozhagunla gyuscha meragga? ⁷ Khyozhagunni ɖone skyur snyiŋpabo phiŋste medkan cogos. Tene skyur medkanni pagpe soma ruskan tsogs, khyozhagun dampa gyurin, kabo khyozhagun denba innog, ciazerna pesaggi lugu Mashika ɲadaŋŋi sdigpagunni phia chodpa phulla dzads. ⁸ Teboephia ɲadaŋgunni ɲansems taŋ ɲanpa skyur

^g5:1 matshabs ni abe nama nyespa zerranog.

snyinpe tagi nyampo gaston macoa, stsaŋma taŋ ɗaŋpoe skyur medkanni tagibo nyampo gaston coin.^h

⁹ Ɗe khyozhagunla sɗunla ɗi zane, lusɗel ŋanpa borkanni migun nyampo miɗesshessi phia zerpin. ¹⁰ Innanŋ ŋe tatpa medkan kagun lusɗel ŋanpagunni nanŋa ɗessad, ya nornabscan, ya gobskorkan, ya skunɗa gunla choscokan gunni skorla zerte man, galtes inpinna tene khyozhagunla i jigsten phaŋgoste yodɗo. ¹¹ Ɗe ɗicessi tontagpo ni khyozhagun, tatpacan in zerinnaŋ, lusɗel ŋanpe nanŋa ɗeskan ya nornabs yodkan, ya skunɗa colkan, zhanme skorla stsogpo zerkan, ya raroskan, ya migunla gobskor taŋkan gun nyampo ɗel micocespo in. Tetsogssi migun nyampo zannaŋ mazashig.

¹² Chostshogssi philogga yodkanni tatpa medkangunla ɗhimscad taŋcespo ŋe khag man. Innanŋ chostshogssi ininzhig sdigpa cokangunla ɗhimscad taŋcespo tantanla khyozhagunni khag innog. ¹³ Konchoggi tatpa medkangunla ɗhimscadda dzadin. Dampe suŋrabssi nanŋa molte dug, "Khyozhagunni ɗone mi ŋanbo phiŋgos."ⁱ

Tatpacangun ɗhimskhuŋŋa khyer macug.

6:1 ne 11

6 ¹ Galtes khyozha suzhigga zhanyaŋ tatpacanzhig nyampo ziŋmo chana, kazuggi khyozhe te mibo zhanyaŋ tatpacangunni dunla makhyerra, zhuŋŋi ɗhimskhuŋŋa khyercessi hampa coad? ² Ci ŋadaŋ tatpacangunni jigstenpagunla ɗhimscad taŋcespo khyozhagunla gyusmedda? Yaŋ galtes khyozhagunni jigstenpagunla ɗhimscaddadna, ci khyozhagunni ɗoa i naslug chuŋunboa ɗhimscad taŋcessi khyud medda? ³ Ɗadaŋgunni phonyagunla ɗhimscad taŋcespo, khyozhagunla gyusmedda? Tennaboephia mitshee nanŋa cuŋkanni ziŋmogun tantanla khyozhagunni sel nyangos. ⁴ Galtes khyozhagunni nanŋa ziŋmo rig cuŋna, tene cia chostshogsne philogga chostshogssi nanŋa caŋ khag medkanni ɗhimspogunnika chad. ⁵ Ɗe ibo khyozhagun ɗhelcugcesla zerrad, ci chostshogssi nanŋa i nasluggunla ɗhimscad nyancesi phia, mi shesrabscan ciggaŋ mirugga?

^h**5:8** Israelpagun Ijibbi waŋŋi yogne tharte stiŋne Yahudapagunni khoŋraŋgunni raŋwaŋpo pesaggi gastonni tusla stsiadpin. Tedus khoŋgunni khaŋpe nanŋa skyur medkanbo tantan coces yaŋ khoŋgunni skyur medkanni tagi zadpin.

ⁱ**5:13** ibo ni zhalchad snyinpe ɗhimssi specha nyispa yaŋna Mozessi specha ŋŋape nanŋa 17:7 taŋ 19:19 taŋ 21:21, 24 taŋ 24:7 gunni nanŋa yodte innog.

⁶ Cia khyozhe ʔone ciggi zhanyaŋ mizhig ʔhimskhunŋa tatpa medkangunni lagga shags coala khyerrad?

⁷ Khyozhagunni i ziqmogun ʔhimskhunŋa khyerracig, khyozhaa phams tsharte innog. Tesaŋta miospa chacugna migyalla? Gobskorcugna migyalla? ⁸ Innan khyozhagunnian northul taŋ gobskor taŋdug, raŋŋi tatpacanni spungunlaŋ. ⁹ Ci, lasŋan cokangun Konchoggi gyaʔsiddi naŋŋa zhugs minyancespo khyozhagunla gysmedda? Raŋdaŋraŋŋa gobmaskorshig. Lusʔel ŋanpa, skunʔa colkan, raŋŋi zhidmad manpa zhanyaŋzhig nyampo lusʔel cokan, butsha zugstsoŋkan, butsha taŋ butsha gunni parla ya bumo taŋ bumo gunni parla lusʔel cokan, ¹⁰ ʔkunma ʔkukan, nornabscan, raroskan, zhanme skorla stsogpo zerkan taŋ migunla gobskorkan gun Konchoggi gyaʔsiddi naŋŋa cha minyan. ¹¹ Tusshigga khyozhaa khaciggaŋ te migun tsogs yodpin. Innan Tsoo Yeshu mashikeka tatpa khyoŋces yaŋ ŋadaŋŋi Konchoggi thugnyiddi khyozhagun stsaŋma taŋ dampa coa dzadte Konchoggi skundunla mi ʔaŋpo rig theadzadte innog.

Lusʔel ŋanpagunne thagriŋŋa dugces.

6:12 ne 20

¹² Khyozhagunni ʔone khaciggi zerranog "Ŋaa citshaŋma cochogin." Innan ŋe zerrad "Citshaŋma khyozhagunni phia gyallazhig man." Ŋeaŋ zernyances innog "Ŋaa cizhig conaŋ cochogin" innan ŋe ŋaraŋ cizhiggaŋ yogpo mane gyur micug.

¹³ Khyozhagunni ʔone khaciggi zerranog "Zanbo ʔodpe phia coste innog yaŋ ʔodpabo zanni phia." Innan zhagshig Konchoggi te nyisko medkan coa dzadcespo ʔaŋpo manogga? Ŋadaŋgunni zugspobo lusʔel ŋanpa manpa, Tsooa zhabstog zhucessi phia dzadte innog, yaŋ Tsooe ŋadaŋgunni zugspoa stastog dzaddanog.

¹⁴ Ciazerna Konchoggi ŋadaŋgun khoŋraŋŋi shed gyudte, shikangunni ʔone sotea laŋŋa dzadin, kazuggi khoŋŋi ŋadaŋgunni Tsoo Yeshu shikangunni ʔone sotea laŋŋa dzads.

¹⁵ Ci ŋospoa khyozhe zugspo mashike khagcig inkanbo, khyozhagunla gysmedda? Tene mizhiggi mashike khag inkanni te zugspobo, zugstsoŋmazhig nyampo ʔessala khyergossa? Mane magos. ¹⁶ Zugstsoŋma nyampo ʔeskanni mibo te bumo nyampo zugspo cig gyurkanbo, khyozhagunla gysmedda? Ciazerna dampe suŋrabssi naŋŋa molte innog "Butsha taŋ bumo nyisko ʔelte zugspo cig

gyurin."j ¹⁷ Innaj galtes mizhig Tsoo Yesu nyampo delna, kho khoj nyampo thugnyiddi nanja cig gyurin.

¹⁸ Lusdel nanpe kane shorte sojshig. I sdigpe zugspoa nodskyalkan tsogs, zhanya sdigpazhiggi nodskyal minyan, ciazerna lusdel nanpe sdigpabo ranji zugspoe gyabgalla innog. ¹⁹ Khyozhagunni zugspo dampe thugnyiddi chodkhan inkanbo, ci khyozhagunla gyuscha meragga? Kabo khyozhagunni nanja zhugssad yan khyozhagunla Konchoggi salla dzadte in. Ta khyozhaa khyozharañji manog. ²⁰ Ciazerna Konchoggi khyozhagun rin chenmozhig shalla dzadte nyoa dzadte in. Tennaboephia khyozhagunni khyozharañji zugspo nyampo Konchogga stsiwa cogos.

Nama cocessi skorla labzha.

7:1 ne 40

7 ¹ Ta khyozhagunni igei nanja tiwa tiste yodkanni lanla, ona, butsha ya bumo gunni nama macona gyalla innog. ² Innaj jigstenni nanja lusdel nanpa mansteañ yod pasan, butsha rerea nama cig yan bumo rerea magpa cig yongoshes innog.

³ Magpe khorañji name lusdelli gosdomgun dūbcuggos, yan name khorañji magpe lusdelli gosdomgun dūbcuggos. ⁴ Tebo ni name khorañji zugspoeka khorañji magpaa wancha yan magpe khorañji zugspoeka khorañji namaa wancha tanjanog.

⁵ Khyozharañ manja moslammi nanja tan nyancessi phia khyozhaa nyiskoe khachamste, tus nyunzhihig lusdel mico samna mastogs, khyozhaa nyiskoe parla zugspoe gosdomgun macoa madugshig. Teduspoe stiñe, nyisko yanskyar nyampo dzomgos, ciazerna khyozhaa ransems cuncessi nanja shedmed yod pasan, shetanni sdigpe nanja gyel cugsidces innog. ⁶ De tebo cocesla ka tanste zerramed, innaj gonspa tanjad. ⁷ Na tsogsla tshanma nama macoa dugste yodcespo, ñe dodpa coad. Innaj Konchoggi chogsne mi rerea migsalli khyudrig salte yodte innog, mi cigga khyuddi rig cig yan mizhigga yan khyuddi rigzhig.

⁸ Ta ñe nama macokan tan ane marañmo ya nama donkanni magpa gunla zerrad. Nama macoa dugna, gyalla innog kazuggi ñaa dugste yod. ⁹ Innaj galtes

J6:16 ibo zhalchad snyinpe nanne gozug zerkanni speche 2:24 nanja yodte innog.

khoṅgunni raṅḍaṅraṅṅa cun mathubna, nama cogoshes innog. Lusḍel cocessi dodpe naṅṅa me barri saṅ nama cona gyal.

¹⁰ Ta nama cokangunla ṅe ka taṅṅad, kabo ṅaraṅṅi manpa Tsoo Yeshui chogsne in. Name raṅṅi magpa phaṅ magos. ¹¹ Innāṅ galtes khoe khorāṅṅi magpa phaṅṅa, te bumobo cigpo duggos ya khorāṅṅi magpa nyampo yaṅskyar dzomgos. Tenna tsogsla magpe khorāṅṅi nama cad magos.

¹² Ta zhan ṅa Tsooe chogsne khaḍaṅṅa kazhig mednaṅ, ṅe ibo khyozhaa luste yodkangunla zerrad, "Galtes Mashikapa butshazhigga tatpa medkanni namazhig yodna yaṅ te bumobo kho nyampo dugcesla thaddadna, te butshe kho cad magos.

¹³ Yaṅ galtes Mashikapa bumozhigga tatpa medkanni magpazhig yodna, yaṅ kho te bumo nyampo dugcesla thaddadna, te bumoboe kho phaṅ magos. ¹⁴ Te Mashikape name, khorāṅṅi tatpa medkanni magpabo stsaṅma coanog. Yaṅ te Mashikape magpe, khorāṅṅi tatpa medkanni namabo stsaṅma coanog. Galtes tezug manpinna Konchoggi skundunla khoṅṅi ṅugugun dampazhig medḍo. Innāṅ khoṅgun Konchoggi skundunla dampa rig innog. ¹⁵ Galtes tatpa medkanni magpa ya nama gun raṅṅi zhidmad nyampo duggala thadda medna, tene chacugshig. Tetsogssi nasluggi naṅṅa Mashikapa magpa ya nama gunni nyampo dugcessi phia, naa khurkangunla stente duggos medpa innog. Konchoggi khyozhagun zhidee naṅṅa dugcessi phia, bodda dzadte innog. ¹⁶ Namagun, khyozhe zhaste khyozhe magpagun dadpe naṅṅa yoṅṣidcespo gyuscha meragga? Yaṅ magpagun khyozhe zhaste, khyozhe namagun dadpe naṅṅa yoṅṣidcespo gyuscha meragga?

¹⁷ Tsooe khyozhagun kazug naslug shiggi naṅṅa borra dzadte yodnaṅ, khyozhaa rere tenaṅṅa duggoshes innog. Yaṅ kazug nasluggi naṅṅa khyozhaa, Konchoggi gomaraṅ dadpe naṅṅa bodda dzad zane yodpin, tenna naslug tsogssi naṅṅa duggos. Ibo chostshogs tshaṅme phia ṅe ṅhimspo in. ¹⁸ Sperna Yahudapazhiggi tatpacan gyurri saṅ sṅunla, khorāṅṅa sunnad^k coste yodna, tebo gyurcessi stsonḍus macoshig. Yaṅ sunnad macokanni mizhig tatpacan gyurna, khoe khorāṅṅa sunnad cogos medpa innog. ¹⁹ Ciazerna Konchoggi skundunla sunnad cokaṅ ya macokaṅboe naṅṅa caṅ khyad medte innog. Khagcanbo ni Konchoggi kagyagun ṣuṅcespo innog.

²⁰ Ona Konchoggi khyozhagunla bodda dzad zane yodkanni naslugpoe naṅṅa khyozhaa rere duggoshes innog. ²¹ Konchoggi bodda dzad zane, khyozha tsheyog

^k**7:18** sunnaddi tonbo ni butshe she kane pagspa cadte stags cocespo innog.

inpinna? Galtes inna tsherkha macoshig, innañ galtes khyozhagunla tsheyogne tharcessi skabs thobna, te skabspo lenshig. ²² Yañ galtes khyozhaa Tsooe bodda dzad zane tsheyog inna, ta khyozhagun Tsooe nañña sdigpe tsheyogne tharte innog. Yañ galtes khyozhagun Tsooe bodda dzad zane tsheyog manpinna ta khyozhagun mashike tsheyog gyurte innog. ²³ Konchoggi rin chenmozhig shalla dzadte nyoa dzadpa, khyozhaa zusme lobponganni tsheyog gyur macugshig. ²⁴ Spun tañ spunmo gun, khyozhaa rere tenna tsogs lusgos nam khyozhagun Konchoggi bodda dzad zane yodpin.

²⁵ Ta khyozhe nama macokanganni skorla tiwa tikanboa, tegunla tañcesla Tsooe ñaa kazhig salla madzads, innañ Tsooe khoraññi snyinrjee nañña idshes conyancesi ñaa shesrabs salla dzads, yañ ñe tebo khyozhagun nyampo goad. ²⁶ Dagsa ñadañgun tus skyomoe nañña yodcespoe, ñe sammarañ khyozhagun kazug naslugshiggi nañña yodnañ, tenne nañña duggoshes innog. ²⁷ Galtes khyozhagunla nama yodna, nama cadces yañ galtes nama medna, nama cocessi stsonḍus macoshig. ²⁸ Innañ galtes khyozhagunni nama cona, tebo sdigpazhig manog. Yañ galtes bumo nachuñzhiggi nama cona, teboañ sdigpazhig manog. Ciinnañ i skyomoi tusla, nama cokangunla mañña nags thoñin, yañ ñe khyozhagun i nagsgunne tharcugcessi stsonḍus coad.

²⁹ Ñe spun tañ spunmo gun, ñe zercessi donbo ni, Mashika logste phebcessi tuspo nyuñunzhig mane luste med pasañ, dagsane pharla nama cokangunni Konchoggi zhabstoggi nañña nama coe sañ sñunla tañkanni tenna tuspo dagsañ tañgos. ^{30–31} Skyomo yodkan ya skyidpo yodkan ya nor nyoin dugkan ya nor mañpo yodkan gunni tegunni skorla tusgyun samin madugshig, ciazerna i jigstenni nañña yodkan tshañma gyogspa medkan chaces innog.

³² Khyozhagun te mitshee tsherkhagunne thargoshespo ñe dodpa in. Sperna, nama macokanni butshazhiggi khoraññi tuspo Tsooa zhabstog zhucessi nañña phudnyannanog yañ khorñ thugnyesshugcessi skorla samba taññanog. ³³ Innañ nama cokanni butshe khoraññi jigstenni khag tañ raññi nama thadcugcessi skorla sammanog, ³⁴ yañ khoe semspo khagnyissi nañña Gogossanog. Tenna tsogsla magpa shikan ya nama mane macoa dugkanni bumo gunni, zugspo tañ semsnyid nyisko nyampo tus gañpo Tsooa zhabstog zhunyannanog. Innañ nama cokanni bumozhiggi khoraññi jigstenni khaggun tañ khoraññi magpa thadcugcessi skorla sammanog. ³⁵ Ñe ibo ghagskyil tañcessi phia manpa, khyozhagunni phanthogssi

phia, zerrad. Ne dodpabo ni, cisathogne khyozhagunni semspo yan mayanna Tsooa zhabstog gyalla coste zhucugcespo in.

³⁶ Innañ galtes butshazhiggi khorañji nama cocescanbo nyampo miospa coste innog samces, matshad khoa lusdelli dodpa şante yodna, te butshe khorañji dodpa nañzhin te bumo nyampo nama cogos. Khoe sdigpa coste manog. ³⁷ Innañ zhanme wañ tañste manpa galtes khoe khorañji dodpabo cunnyante te bumo nyampo nama micoces tantan thagcadna, gyalla innog. ³⁸ Tene nama cokanboe gyalla coste innog, yañ nama macokanboe tesañ gyalla coste innog.

³⁹ Magpa sountea yodtus nama khorañji magpa nyampo duggos. Galtes khoe magpa doñsna, te bumoboe khorañ thadkanni butsha nyampo nama conañ, ñigste innog, innañ te butshabo Tsooeka tatpa cokanzhig yongos. ⁴⁰ Ne sambe nañña, te bumoboa cigpo dugna mañña cinlabs thobin. Yañ ñe sammarag, ñeañ Konchoggi thugnyiddi gyudte khada tañste in.

Skunđa chodpa phulkanni kharji.

8:1 ne 13

8 ¹ Ta khyozhe skunđagunla phulkanni kharjii skorla tiwa tikanboa, ona "Ñadañ tshañmala teboe skorla yontan yodte innog." Yontanni ñadañgunla phoso tshor cugganog, innañ chostshogs shedcan chacugkan ni cespabo innog. ² "Ña citshañma shessad" zerkangunla ñospoa taruñ mamañpo shesgoshes yodte innog. ³ Innañ Konchogga cespā cokangun nyampo khoñji ñel borra dzadte khyenna dzaddanog.

⁴ Ta skunđa chodpa phulkanni kharji zaccessi skorla zerna, skunđagun cañ mankan yañ Konchog cigcig zhugste yodkanbo ñadañ tshañmala gyusinnog. ⁵ Namkhaa ya jigstenni nañña, mañpozhiġga Konchog zerranog, (Tantanla mi mañpoe Konchog tañ Tsoo mañpozhiġga collanog). ⁶ Innañ citshañma coa dzadkanni Konchog cig, ñadañji yab, yañ ñadañgunni khoñji phia mitshe phudkanbo ñadañgunla gyusinnog. Yañ Yesu Mashika Tsoo cig, khoñ gyudte Konchoggi citshañma coa dzadkan tañ ñadañgunla mitshe salla dzadkanboañ gyusinnog.

⁷ Ciinnañ tatpacan khacigga te tshañma gyus medpa innog. Khyozhagunni tone khaciggi taruññañ skunđagun sonte innog samdug. Tennaboephia tegunni semssi nañña skunđagunla phulkanni zan zana, sdigpa coste in sammanog.

⁸ Zanni ñadañgun Konchog nyampo nyemo gyur cugga manog. Ñadañgunni zanañ ya mazannañ, Konchoggi skundunla cañ storces ya thobces medkyag.

⁹ Innañ khyozhagunla teboe nañña rañwañ yodcespoe, khyozhagunni dadpe nañña

uthugscanni spunzhig sdigpe nanja gyel micugcesla shaj coshig. ¹⁰ Spera, galtes khyoraŋ yontancanboe te skunde chodkhaŋŋi nanje zan zaa thonste, tatpa uthugscanni khoraŋŋi samkanni gyabgal coste, skunda phulkanni te zan zacesi nanja hampa skye sidces manogga? ¹¹ Tene khyozhagunni lagga yodkanni yontanboe, te tatpa uthugscan spunni tatpabo medkan coanog, kaboe phia Mashika doŋssa dzads. ¹² Tezug cona, khyozhe sdigpa coste innog samkanni spunboa tebo cocesla spospa taŋste, khyozhe mashike gyabgalla sdigpa coste innog. ¹³ Teboephia galtes sha zacespoe, ŋe ŋaraŋŋi spunzhigga sdigpa cocuggadna, tene ŋe shishi tshogpala sha mane miza, ciazerna ŋe ŋaraŋŋi spunzhigga ghag gyabcugnyin merag.

Mashike skutshabsgunni thobtaŋ.

9:1 ne 27

9 ¹ Ci ŋaŋ zhangun tsogsla raŋwaŋ medkyagga? Ci ŋa mashike skutshabs manogga? Ci ŋe ŋaraŋŋi migne Yesu ŋadaŋgunni Tsoo majaltogga? Ci ŋe mashike phia lasgunni zhaste khyozhagun Tsooe gyurte manna? ² Zhanmagunni ŋa mashike skutshabs manog samnaŋ, tantanla khyozhagunni phia ŋa in. Khyozhe mitshe phudtshulboe ŋa Tsooe skutshabs inkanbo stannanog.

³ Ibo ŋe waŋche skorla tiwa tikangunni phia lanbo in. ⁴ Ci ŋazhagunla khyozhe zaces taŋ thuŋces gun goste zaces taŋ thuŋcessi thobtaŋ medpa innogga? ⁵ Zhanyaŋ skutshabs, Tsooe nogun taŋ Pitarri cokan tsogsla, ci ŋazhagunla ŋazharaŋŋi tatpacanni namagun nyampo thidte khyercessi thobtaŋ medpa innogga? ⁶ Ya raŋŋi gossdomgun rigcessi phia las cogoskangun Barnabas taŋ ŋaraŋ cigpo innogga?

⁷ Ci magmizhigga khoraŋŋi budgogun shalgossanogga? Ci rguntshas tabkanzhigga khoŋraŋŋi badkanni khazas zacesi thobtaŋ medpa innogga? Ci lugkhyua, stastog cokanni miboa tegunni oma thuŋchogga manogga? ⁸ Ci ŋe mii samtshulli nanja shaddugga? Konchoggi thimssiaŋ inna tsogs molte mirugga? ⁹ Stossaŋ luŋstonpa Mozessi thimssi nanja "Khyozhagunni khuyus skor zane laŋtoe khaa ldamste maborshig"¹ Molte yodte innog. Konchoggi tebo mol zane, ci khoŋŋi laŋto cigpoe skorla thugssam salla dzadte innogga? ¹⁰ Ci ŋospoa, khoŋŋi ŋadaŋgunni phanthogssi phia molte manogga? Ona ŋadaŋgunni phanthogssi phia,

¹9:9 ibo ni zhalchad snyinpe thimssi specha nyispa Mozessi specha ŋape 25:4 nanja yodte innog.

ɗia dzadte innog, ciazerna stonthoggi kane goste thobcessi rewe nanɗa, nɗakan taɗ khuyus skorkan nyiskoe lasgun coanog.

¹¹ Ta nɗahagunni semsnyiddi saon, khyozhagunni nanɗa tabs pasan, ci khyozhe stonthogpo nɗahaa nyampo gocesla kagspo charagga? ¹² Galtes khyozhagunni zhanyaɗ chosshadkangunla rogs coadna, ci khyozhe nɗahagunla te migunni saɗ maɗɗa rogs cogoshes manogga? Innan nɗahagunni i thobtanɗo mane makolpin, ciazerna mashike gamoe nastshulli nanɗa ghagskyil khyonɗi saɗ nɗahaa nagsbardo khurcesla thadpo in.

¹³ Ci chodkhanɗi nanɗa las cokangunla zan, chodkhanɗi nanɗa chodpa phulkangunni kane thobcespo, khyozhagunla hago thubba meragga? Yan chodthiika las cokangunla, ɗogchod phulkangunni kane goste thobba mirugga? ¹⁴ Inna tsogsla Tsooe ka salla dzadte innog, gamoe nastshul shadkangunla tekane phanthogs thobkangunni rogs cogos. ¹⁵ Tenean nɗe i thobtan tshanme nanɗe cigan makolpin, yan nɗe phia khyozhagunni itsogssi lasgun cocessi rewa coste ɗiamed. Nɗe khyozhagunla rin medpa chosshadcespoeka phoso conyancesi thobtanɗo medkan chacuggi saɗ nɗa shina gyal. ¹⁶ Ciinnan gamoe nastshul shadcespoeka nɗe phoso co minyan, ciazerna dampe thugnyiddi nɗa i laspo cocugdug. Galtes nɗe gamoe nastshulbo mashadna, nɗa tsamshiggi jigspa manog.

¹⁷ Galtes nɗe nɗaran thadte i laspo cona, nɗa solras thobin. Innan nɗa ldamcessi wan med, ciazerna Konchoggi nɗa i khagpo salla dzadte innog. ¹⁸ Tene nɗa kazug solrasshig thobin? Tebo ni rin medpa gamoe nastshul shadcessi skabspo innog. Tennaboephia gamoe nastshul shad zane, nɗe nɗaranɗi thobtanɗi skorla samba tanɗamed.

¹⁹ Zhan nɗa sponbo medkanni ranwanɗanzhig innan, mi manpo mashike nanɗa khyonɗcesla nɗe nɗaran tshanme tsheyog gyurcugspin. ²⁰ Na Yahudapagun nyampo yod zane, nɗe Yahudapagun mashike nanɗa khyonɗcessi phia, Yahudapagun tsogsla mitshe phuddad. Na Yahudape thimssi nanɗa ɗulkangun nyampo yod zane, nɗa te thimssi nanɗhin duggad. Zhan nɗa te thimssi yogga mednan, te thimssi yogga dugkangun mashike nanɗa khyonɗcessi phia nɗe tebo coad. ²¹ Na Yahudape thimsgunnika ma ɗulkangun nyampo yod zane, khonɗun mashike nanɗa khyonɗcessi phia nanɗ te thimssi yogga dugga med. Innan nɗe Konchoggi thimsgunla sanɗmed coamed, nɗe mashike thimsgunla kanyannad.

²² Na dadpe nanɗa uthugs yodkangun nyampo yod zane, uthugsgun mashike nanɗa khyonɗcessi phia, nɗa khonɗunni uthugssi nanɗa ɗessad. Migun skyobcessi

phia, ɲaa mi kazugshig yodnaɲ tenna tsogs gyurrad. ²³ Ɗe te tshaɲma gamoe nastshul phelcugces taɲ teboe cinlabssi naɲɲa ɖesshessi phia coad.

²⁴ Baɲgyugssi naɲɲa tshaɲma baɲtaɲɲanog, innaɲ cigga solras thobcespo ci khyozhagunla hago thubba meragga? Tene gyalkhaa thobcessi migzhi nyampo baɲtoɲshig. ²⁵ Medkan chacessi solras thobcesla baɲgyugs taɲkan tshaɲme khoranɲun lobjoɲɲi codlammi naɲɲa stanpo borranog, innaɲ ɲazhagunni ibo thamedpe solras thobcessi phia coad. ²⁶ Teboephia ɲe baɲtaɲ zane, migzhi nyampo kompa reree gyabbad. Ɗa tontag medpa luɲspoe naɲɲa multhug taɲkanni mi tsogs man. ²⁷ Ɗe ɲaraɲɲi zugspo ɲaraɲɲi waɲɲi yogga lusshessi phia stsalyaɲs stsekangun tsogsla lobjoɲ taɲɲad. Te manna ɲe zhanmagunla Konchoggi gamoe nastshulbo shadte stiɲne, ɲaa thamedpe solras thobcessi ospa midug molɲidcesla jigssarag.

Israelpe cokanni northulgun micoces.

10:1 ne 11:1

10 ¹ Spun taɲ spunmo gun, tus maɲpoe sɲunla ɲazhe phamespogun ristoɲɲi naɲɲa khorin dugkanni skorgun khyozhe rjed mirjedcespo ɲe dodpa in. Khoɲ tshaɲmaa ɲinni lam stante tshoe skyilne saskammika ɖulte inpin. ² ɲinni yogga yaɲ gyatshoe naɲne ɖulkan, khoɲgunla Mozessi gyabne ɖulcesla thus salla dzadte inpin. ³ Khoɲ tshaɲme Konchoggi dzadpa gyudte salla dzadkanni tagi manna zerkanbo zos. ⁴ Khoɲ tshaɲme ɖaggi kane biɲ cugga dzadkan thugnyiddi chubo thuɲs. Khoɲ tshaɲme khoɲgun nyampo skyodkanni thugnyiddi ɖagboe kane thuɲs kabo ni Mashika inpin. ⁵ Teneanɲ khoɲ maɲchea nyampo Konchog thugnyessa madzad, yaɲ khoɲgunni zugspo ristoɲɲi naɲɲa thestor soɲte inpin.

⁶ Ɗadaɲgunni naɲɲa khoɲgunni coskan tsogssi dodpa ɲanpagun miyoɲcessi phia, ɲadaɲgunla spaɲpudda tegun cuɲ cugga dzadte innog. ⁷ Teboephia khoɲgunni coskan tsogsla skunɖagunla chos macoshig, kazuggi dampe suɲrabssi naɲɲa molte innog "Khoɲgunni coskanni skunɖa, serri Baalaɲboa stsiwa cocessi phia, migun seka dugste zaces taɲ chaɲ thuɲces gozugs, yaɲ khoɲgun lanste codpa ɲanpe stsesgun taɲin skyidpo cos."^m ⁸ Ɗadaɲgun lusɖel ɲanpe naɲɲa ɖes magos, kazug khoɲ khaciggi cos, kaboe khoranɲunni ɲopa 23,000 tenna zhagga shicugs.

^m10:7 ibo ni zhalchad snyiɲpe naɲɲa Mozessi specha nyispoe naɲɲa 32:6 naɲɲa yodte innog.

⁹ Ndaṅgunni Mashikaa tshodlta magos, kazuggi khoṅ khaciggi cos yaṅ ḍasbubo tucanni rulgunni soga tabste khoṅgun shite inpin. ¹⁰ Yaṅ khoṅ khaciggi coskan tsogsla, Konchoggi ldamma dzadkanni uskyoṅgunni gyabgalla bagaboge shad magos, ciazerna shicugkanni phonye khoṅgun medkan coste inpin. ¹¹ Ndaṅgunni phia spezhiggi tshulla te tshaṅma khoṅgunla cuṅste inpin. Thame tussi naṅṅa dugkanni ṅadaṅgunla spanpudcessi phia, tegun Griiste innog.

¹² Galtes khyozha dadpe naṅṅa stanpo yod sammadna, gyel migyelcessi phia shaṅ coshig. ¹³ Idtu coshig khyozhagunni sdigpa cocessi dodpabo zhan migunla yodkanboe saṅ sosozhig manog. Yaṅ Konchog ni idshescan zhugste innog, khoṅṅi khyozhagunla tshodlte khurubo khyozhagunni khyuddi saṅ maṅṅazhig khur cugga midzad. Khyozhagun tshodlte naṅṅa cha zane, khoṅṅi zodpa nyampo tebo khurnyancesi lam khyozhaa stanna dzadin.

¹⁴ Teboephia ṅe spungun, skunḍagunla chos cocesne shorte soṅshig.

¹⁵ Khyozhagun sambacanni migun innog. De zerkangun ḍaṅpo innogga ya manog khyozharaṅṅi thagcodshig.

¹⁶ Taṅpo, dampe solrassi tusla donskyoggi naṅṅa yodkanni rgunchaṅboa cinlabssi phia zhuste thuṅṅacig, mashike skuthaggi naṅṅa ḍeste manogga? Yaṅ tagibo caggacig, ṅadaṅgun mashike skuzugssi naṅṅa ḍeste manogga? ¹⁷ Ndaṅgun maṅpozhiḡ yodnaṅ, ṅadaṅ tshaṅme tagi ciggi kane zanog, kaboe ṅadaṅgun zugspo cig inkanbo stannanog.

¹⁸ Nyispa, Israelpagunni skorla samba toṅshig. Khoṅgun chodthiika ṡogchodla phulte yodkangun zoste ci khoṅgun cigḍil mirugga? ¹⁹ Ci ṅe skunḍagunla ṡogchodla phulkanni zangunni naṅṅa rin yod, ya te skunḍagun ṅospoe Konchog innog zerte innogga? ²⁰ Man mane man.

De zerrad i ṡogchodgun rdudgunla taṅste innog, Konchogga manog. Yaṅ ṅe khyozhagun rdudgunni ṡoa ḍes miḍesshessi dodpa borrad. ²¹ Khyozhe Tsoo Yeshui donskyog taṅ rdudgunni kore nyiskoe naṅṅe kazuggi thuṅṅin? Khyozhagunni Tsoo Yeshui dontaṅ taṅ rdudgunni kharji nyisko kazuggi zen? ²² Ci tezug cocespone khyozhagunni Tsooa thugsṡo zhaṅsshugste manogga? Ci ṅadaṅgun khoṅṅi saṅ shed chea innogga?

²³ Khyozhe ṡone khaciggi zerṡidces innog, "De cizhig conaṅ ḍigganog", innaṅ citshaṅma khyozhe phia zaṅpozhiḡ manog. Yaṅ khaciggi zerṡidces innog, "De cizhig conaṅ ḍigganog", innaṅ citshaṅma phanthogscanzhig manog. ²⁴ Khyozharaṅ

cigpoe phanthogssi phia masamma zhanyaŋ spun taŋ spunmo gunni phanthogssi phia somshig.

²⁵ Khyozhagunni thomssi naŋŋa sha kazugshig thobbadnaŋ zoshig, tegun skunḍagunla chodpa phulte inna man samste snyiŋŋi naŋŋa thetshoms coste ŋiwa maŋishig. ²⁶ Ciazerna dampe suŋrabssi naŋŋa molte innog, "Jigsten taŋ tenaŋŋa yodkan tshaŋma Tsooe in."ⁿ

²⁷ Tatpa medkanni mizhiggi khyozhagunla goŋzanla yoŋ zerna, galtes khyozhagun chanyin yodna, ḍonshogpo lenshig. Khyozhagunla cizhig taŋnaŋ zoshig. Tegun skunḍa chodpa phulte inna man zerte ŋiwa maŋishig. ²⁸ Innaŋ galtes suzhiggi, "I shabo skunḍa phulte in" zerte shadna, tene shadkan taŋ khoe semssi naŋŋa thetshoms miskyecessi phia tebo mazashig. ²⁹ Ne khyozhagunni semssi naŋŋa samkan manpa, te shadkanni semssi naŋŋa samkanboe phia zerte in. Khyozhagunni ŋone khaciggi zeršidces innog, "Zhanmazhiggi samcespoe zhaste ciphia ŋe ŋaraŋŋi raŋwaŋŋi naŋŋa ghagskyil yoŋcugin. ³⁰ Yaŋ galtes ŋe Konchogga zaccessi phia thugrjeche zhuna, tene cia ŋe thugrjeche phulkanni zanboika suzhiggi ŋa skyonrjod coin?"

³¹ Tene teboe lanla, khyozhagun zanaŋ, ya thuŋnaŋ, ya cizhig conaŋ, te tshaŋma Tsooe zirrijiddi phia coshig. ³² Khyozhagunni cirig coadnaŋ, teboe Yahudapa ya Yahudapa mankangun dadpe naŋŋa yoŋcessi naŋŋa ghagskyil magyurshig, ya Konchoggi chostshogssi naŋŋa yodkangunla sdigpa co macugshig. ³³ Neaŋ ŋaraŋŋi cizhig conaŋ, tshaŋmala thadcugcessi stsonḍus coad. Ne ŋaraŋŋi phanthogssi phia manpa, zhanma maŋpoe phanthogssi phia coad. Khoŋgun dadpoe naŋŋa yoŋcessi rewa borte ŋe tegun coad.

11 ¹ Yaŋ ŋa mashike speeka ḍulkan tsogsla, khyozhagun ŋe speeka ḍulgoshes innog.

Chos cocessi skorla labzha.

11:2 ne 16

² Khyozhagunni tusgyun ŋa idtu borte ŋe taŋskanni labzhagunnika ḍulcespoe, ŋe khyozhaa stodpa taŋŋad. ³ Innaŋ khyozhagunla igun hago cugnyinrag, tatpacanni butsha tshaŋme gobo ni, Mashika zhugste innog. Tatpacanni bumo tshaŋme gobo ni, khoranŋunni magpa innog, yaŋ mashike gobo ni, Konchog zhugste innog.

ⁿ10:26 ibo ni zhalchad snyiŋŋe suŋgurri speche 24:1 naŋŋa yodte innog.

⁴ Galtes butshazhiggi moslam phul zane, ya luḡstan shad zane, khoranḡi gobo kabste yodna, khoe khoranḡi go, yaḡna Mashika ḡelba khyonḡste innog. ⁵ Innaḡ galtes bumozhiggi khoranḡi gobo kab makabba moslam phulna, ya luḡstan shadna, tene khoe khoranḡi go, yaḡna khoranḡi magpa, ḡelba khyonḡste innog. Tezug cona, te bumoboe khoranḡi ṡa ḡagste golag coskan tsogs innog. ⁶ Ona galtes bumobo go kabcessi phia thadda medna, tene khoe khoranḡi ṡa tshaḡma ḡaggoshes innog. Innaḡ bumozhigga golag coces ya ṡa badchuḡ cadcespo, ḡelbazhig in pasaḡ, bumoe go kabgoshes innog.

⁷ Butsha Konchoggi yibs yaḡ khorḡi spalli naḡḡa coa dzad pasaḡ, Konchogga col zane, khoe khoranḡi go kab magos. Innaḡ namagun khoranḡi magpe spalbo innog. ⁸ Adam zerkan butsha taḡpo, bumone cuḡste manog, innaḡ Hawa zerkan taḡpo bumo butshane cuḡste innog. ⁹ Yaḡ butsha bumoe phia coa madzadda, bumo butshe phia coa dzadte inpin. ¹⁰ Tenna gyuntshan taḡ Konchoggi phonyagunni zigsin yodcespoe, bumoe khoranḡ magpe waḡḡi yogga yodkanbo stancesla, khoranḡi go kabgoshes innog.

¹¹ Tsooe naḡḡa tatpacanni butshazhiggi ḡa bumoika raglaste ya tatpacanni bumozhiggi ḡa butsheka raglaste duggoshesmed zer minyan. ¹² Ciazerna taḡpo, bumo butshe kane cuḡste innaḡ, dagsa bumoe kane butsha skyeaanog. Innaḡ citshaḡma Konchogne yonḡste innog.

¹³ Khyozharaḡḡi thagcodshig, ci migunni ḡoa bumoe raḡḡi go makabba Konchogga moslam phulcespo, ospa innogga? ¹⁴ Ci butshe bumo tsogsla ṡa riḡmo borna, tebo raḡzhin mankan yaḡ ḡelbazhig manogga? ¹⁵ Yaḡ ṡa riḡmo yodcespo bumoe phia spalzhig innog, ciazerna tebo khoa kabcesla salla dzadte innog.

¹⁶ Innaḡ iboe skorla gyabgal conyin yodkangunni phia ḡe innabo zerin, ḡazhagunla innabo mane, zhanyaḡ luḡṡolzhig med, yaḡ Konchoggi chostshogsgunni naḡḡaḡ medpa innog.

Dampe solras yaḡna Tsooe dontaḡḡi phia ḡhimsgun.

11:17 ne 34

¹⁷ Ta ḡe zercescanboe naḡḡa, khyozhagunla stodpa taḡnyances merak, ciazerna khyozhagunni dzomcespoe, phanthogssi saḡ maḡḡa nodskyal khyonḡdug. ¹⁸ Taḡpo, khyozhagun chostshogssi tshulla dzom zane, khyozhagunni ḡoa pomaḡpo phudte yodkanbo tshor. Yaḡ ḡe sammaraḡ te spera tshorkan maḡcheabo denba innog.

¹⁹ Tantanla Konchoggi migun ḡostag chacessi phia khoṅṅi khyozhagunni ṡoa khag sosogun cuṅ cugga dzadte innog.

²⁰ Tsooe dontaṅṅi naṅṅa zacesla khyozhagun dzom zane denba, khyozhagun mashike ḡoṅshespo idtu cocesla thadda midug. ²¹ Ciazerna khyozhaa khaciggi, raṅṅi kharjigun zhanmagunla goste mataṅṅa zacesla riṅsdug, kaboe zhaste khacig stogria lusdug, yaṅ khacig raros dug. ²² Ci khyozhagunla zaces taṅ thuṅcessi phia, raṅraṅṅi khaṅpa medda? Ya ci Konchoggi chostshogsla naphrad coces taṅ nyalbacangunla ṡhelba khyoṅṅala, thadda ragga? Ne khyozhagunla ci zergos, ci ṅe iboe phia khyozhagunla stodpa taṅgossa? Ona tantan iboe phia ṅe khyozhagunla stodpa mitaṅ.

²³ Na Tsooe chogsne labzha thobkanbo khyozhagunla taṅspin. Tenna tshanla nam yude Tsoo Yeshua ṅolog cos, Tsooe tagibo lenna dzads, ²⁴ yaṅ Konchogga thugrjeche phulte khoṅṅi tebo cagga dzads, yaṅ mols, "Ibo khyozhagunni phia taṅskanni ṅe zugspo in. Na idtu cocesla ibo coshig." ²⁵ Tenna tsogsla kharji stiṅne khoṅṅi rgunchaṅṅi donskyogpo nams yaṅ mols, "I korebo Konchog taṅ khoṅṅi migunni parla zhalchad somazhig innog, kabo ṅe ṡhag nyampo coste in, khyozhagunni ibo thuṅ zane ṅa idtu coshig." ²⁶ Nam khyozhagunni i tagibo zen yaṅ i korebone thuṅin, Mashika yaṅskyar logste skyodskyod tshogpa, khyozhagunni tonla Tsoo ḡoṅssa dzadkanbo migunla khyozhe spaṅpo taṅṅanog.

²⁷ Teboephia suzhiggi stsiwa macoa i tagiboe kane zana ya i kore naṅṅe thuṅṅa, Tsooe skuzugs taṅ skuthag gunni gyabgalla sdigpa coste noṅscan gyurte innog. ²⁸ Tennaboephia khyozhagunni tagi ze saṅ yaṅ korebone thuṅṅi saṅ sṅunla, khyozharaṅṅa stagcad cogoshes innog. ²⁹ Galtes khyozhagunni mashike skuzugspoa stsiwa maphulla tagibo zana ya korebone thuṅṅa, tene khyozhagunni khyozharaṅṅi phia Konchoggi ṡhimscadpo zoste yaṅ thuṅste innog. ³⁰ Tennaboephia khyozhaa maṅpozhiḡ uthugs taṅ zumocan yaṅ khacig shiteaṅ innog.

³¹ Innaṅ galtes ṅadaṅgunni ṅadaṅ raṅṅa stagcad cospinna, ṅadaṅgun itsogssi ṡhimscaddi naṅṅa yoṅste medḡo. ³² Teneaṅ ṅadaṅṅa jigstenpagun nyampo chadpa miphogcessi phia, ṅadaṅgunla Tsooe ṡhimscad salla dzad zane, khoṅṅi ṅadaṅgun skyoṅṅa dzadte innog.

³³ Tene ṅe spun taṅ spunmo gun, khyozhagun Tsooe dontaṅṅi phia dzom zane cig taṅ cigga ṡuṅste dugshig. ³⁴ Galtes khyozhagun stogssadna, tene khyozhagun dzom zane khyozheka ṡhimscad miyoṅcessi phia raṅṅi khaṅpaa kharji zoste yoṅshig. Na lebste stiṅne, khyozhagunla i skorla zhanyaṅ labzhagun taṅin.

Semsnyiddi khyud.**12:1 ne 11**

12 ¹Ta ñe spun tañ spunmo gun, dampe thugnyiddi ñadañgunla salla dzadkanni khyudgunni skorla, khyozhe hagobo northulcanzhig miyoñcessi dodpa coad. ²Tatpa medkan in zane, khyozhagun spera tañ manyankanni skunđagunni lam norkannika thidkanbo khyozhagunla gyusinnog. ³Teboephia suzhiggiañ Konchoggi thugnyiddi nañña Yeshua ñan tab minyan yañ dampe thugnyid cigpo gyudte mastogs, suzhiggiañ Yeshu tshañme Tsoo zhugste innog zer minyancespo ñe khyozhagunla gyus chacugnyinrag.

⁴Thugnyiddi khyud snatshogs mañpozhihig yodte innog, innañ te tshañme cuñsabo thugnyid khorañ innog. ⁵Zhabstog snatshogsshig yodte innog, innañ ñadañgunni Tsoo ciggi zhabstog zhuanog. ⁶Konchoggi phia ñadaññi las snatshogssi coanog, innañ ñadaññi cokanni las tshañme nañña tenna Konchogpoe chaglas dzaddanog.

⁷Cig tañ cigga rogs conyancesla, thugnyiddi khyud ñadañ rerea Konchoggi salla dzaddanog. ⁸Tenna thugnyidpo gyudte, mizhigga khada shesrabscan tañ nyancesi khyud, yañzhigga tenna thugnyidpo gyudte, migsalli yontanni lonbo salla dzaddanog. ⁹Tenna thugnyidpoe cigga, idshes chenmo tañ zhanzhigga, phancugcessi khyud gun sallanog. ¹⁰Khoññi mizhigga halasshessi stasgun stancesi khyud, zhanzhigga luñstan shadcessi khyud, zhanzhigga lonbo Konchoggi thugnyiddi chogsne innogga manog stanyancesi khyudpo, zhanzhigga masheskanni skaddi nañña spera tañcessi khyud tañ zhanzhigga te skadgun gyurcessi khyudgun salla dzaddanog. ¹¹Innañ te khyudgun tenna thugnyid cigcigpoe salla dzaddanog. Mi rerea kazug khyudrig thobin, tebo khoñ cigpoe thagcadda dzaddanog.

Zugspo cigga yanlag mañpo.**12:12 ne 31**

¹²Zhan mii zugspoa yanlag mañpozhihig yodnañ, yanlag tshañme zugspo chatshañzhig đubbanog. Tenna tsogsla chostshogsgun mashike skuzugs innog. ¹³Ñadañ khacig Yahudapa yañ khacig Yahudapa manog. Khacig tsheyog yañ khacig rañwançan innog. Innañ dampe thugnyiddi nañña ñadañ rerea thussalla dzadcespoe ñadañgun zugspo cig innog. Ta ñadañ reere tenna thugnyid cigpoe kane thuñin innog.

¹⁴ Ona, zugspoboa yanlag cig manpa manpo, soso rig yodte innog. ¹⁵ Galtes kanpe zerna, "Ŋa zugspoe yanlag man ciazerna ŋa lagpa man." Ci teboe kanpa zugspoe yanlagshig lussa manogga? ¹⁶ Yan galtes namchoggi zerna, "Ŋa zugspoe yanlagshig man ciazerna ŋa mig man", ci teboe namchogpo zugspoe yanlagshig lussa manogga? ¹⁷ Galtes zugspo ganma mig inpinna, kazuggi khyozhagunni tshorin. Ya galtes khyozhagunni zugspo ganma namchog inpinna, tene kazuggi khyozhagunni ŋima tshorin.

¹⁸ Innan ŋadangunni zugspoboa tantanla yanlag manpozhiŋ yodte innog. Yan Konchoggi te yanlaggun khoŋŋi thuggoŋs nanzhinla, ranranŋi nasseka borra dzadte innog. ¹⁹ Galtes zugspoboa yanlag cig mane medpinna, tene kazug yamtshanzhiŋ meddo. ²⁰ Ona, yanlag manpozhiŋ yodte innog, innan zugspo cig. ²¹ Miggi lagpaa mane mizer, "Ŋa khyoran goshes merag." Goi kanpaa mane mizer, "Ŋa khyoranŋi gossdom med."

²² Ŋospobo ni uthugs thonkan tan khagcan mankanni zugspoe yanlaggun tshanmesan gossdomcanbo innog. ²³ Yan stsiwa nyununcan tan stan migoshescanni zugspoe khaggunla ŋadangunni snanstag chenmo nyampo koslag skonte gyalla snanstag coste skyobste borranog. ²⁴ Stannaŋ digcescanni zhan yanlaggunla, tetsogssi migsalli snanstag gossa manog. Tene Konchoggi stsiwa nyununcanni yanlaggunla manŋa stsiwa tan stastog tanjugste zugspo ganma nyampo danpo borra dzadte innog. ²⁵ Tebo cig tan cigga stastog coces matshad, thusmi tshanme nanŋa thunel yoŋcesla coa dzadte innog. ²⁶ Galtes yanlag cigga zumo yoŋna, zhan yanlag tshanman tebo nyampo sdugsŋal thonŋanog, yan galtes yanlag cigga stsiwa thobna, tebo nyampo zhan yanlag tshanmean thadpo coanog.

²⁷ Ta khyozhaa tshanma dzomste, mashike skuzugspo innog, yan khyozhaa rere teboe yanlaggun innog. ²⁸ Konchoggi chostshogssi phia, ldamma dzadkanni yanlag khacig igun innog.

Tanpobo, mashike skutshabsgun,
 nyispabo, lunstonpagun,
 sumpabo, lobpongun,
 tene halassi stas stankangun,
 tene phancug nyancessi khyud yodkangun,
 tene cig tan cigga rogs cokangun,
 tene chostshogs goskyoŋcessi khyud yodkangun,
 tene masheskanni skadgunni nanŋa spera tan nyancessi khyud yodkangun.

²⁹ Ci n̄adaŋ tshaŋma Yesu mashike skutshabsgun inna? Ci n̄adaŋ tshaŋma luŋstonpagun inna? Ci n̄adaŋ tshaŋma lobpongun inna? Ci n̄adaŋ tshaŋmala halasshessi stas cocessi waŋ yodda? ³⁰ Ci n̄adaŋ tshaŋmala phancug nyancesi khyud yodda? Ci n̄adaŋ tshaŋmala masheskanni skadgunni naŋŋa spera taŋ nyancesi khyud yodda? Ci n̄adaŋ tshaŋmala masheskanni skaddi skadgyur cothubcessi khyud yodda? ³¹ Chostshogsla tshaŋmesaŋ phanthogs maŋŋa taŋnyancesi khyudgun khyozhaa thobcessi dodpa borgoshes innog.

Innaŋ ta ŋe khyozhagunla mitshe phudtshul tshaŋme naŋŋe gyalshog inkanbo stanin.

Cespa ni tshaŋmesaŋ taŋshog.

13:1 ne 13

13 ¹ Galtes ŋaa jigstenpa taŋ phonya gunni skad tshaŋme naŋŋa spera taŋ nyanteaŋ, ŋe naŋŋa zhanmaa cespa medna, tene ŋa skadŋancanni daman ya tshimtshim tsogs innog. ² Galtes ŋa luŋstan shadcessi khyud, yaŋ Konchoggi saŋwe thabs tshaŋma gyus yaŋ citshaŋme skorla yontan, yaŋ ŋe lagga ri skulnyancesi tatpa yodna, innaŋ ŋe naŋŋa zhanmaa cespa medna, ŋa caŋ manog. ³ Galtes ŋa yodkan tshaŋma nyalbacangunla matshad ŋaraŋŋi zugspoboaŋ ōogchodla taŋna, ŋe teboeka phoso coŋidces innog, innaŋ galtes ŋe naŋŋa zhanme phia cespa medna, ŋa caŋ phanthogs mithob.

⁴ Cespa ni zodpa taŋ zaŋpo innog. Cespa ni tshigces ya raŋstod ya phoso ⁵ ya stsiwa macoa spera taŋces gun manog. Cespa ni zhanmaa waŋ taŋste raŋ thadkan co micugces, ōo gyogspa miyoŋces, zhanme nodskyalkanboe tho coste miborces gun innog. ⁶ Cespa ni miospa chakangunnika skyidpo macoa, ɔaŋpoa gyalkhaa thobcessika skyidpo cocespo innog. ⁷ Cespa cokanni mane rewa phaŋŋa manog. Khoe tusgyun Konchoggi rogs coa dzadcessi rewa coanog, yaŋ naslug tshaŋme naŋŋa snyiŋrus borranog.

⁸ Masheskanni skaddi naŋŋa spera taŋces, luŋstan shadces taŋ migsalli yontan yodkanni khyudgun, zhagshig phanmithogs gyurces innog, innaŋ cespa tusgyun lussanog. ⁹ Ta n̄adaŋgunni yontanbo ni tshaŋrig medpa innog, yaŋ yoŋcescanni tusgunni skorla luŋstan shadkanboaŋ gaŋpo manpa khagcig innog. ¹⁰ Innaŋ Konchoggi thabsldiŋs tshaŋma ɔubbacig, te khyud tshaŋma phanmithogsshig gyurin.

¹¹ Na ʔugu in zane spera taʔces, samba taʔ samtshul gun ʔe ʔugui tshulla cospin. Innaj ldante stiʔne ʔe ʔugui cotshulgun phanʔpin. ¹² Lagmo medkanni meloʔzhiggi naʔna zimzim thoʔna tsogsla, dagsa ʔadaʔgunni salpo coste mathoʔna innog. Innaj tedusla ʔadaʔna citshaʔma salpo coste thoʔ thubin, kazug mizhigga dunla thugste spera taʔnad. Dagsa ʔa gyusyodkan tshaʔma tshaʔrig medpa innog, innaj tedusla ʔa citshaʔma salpo coste gyuschen, kazuggi dagsa Konchoggi ʔa salpo coste khyenna dzaddad.

¹³ I sumko tusgyun lusshes innog, tatpa, rewa taʔ, cespaa, yaʔ igunni naʔne ʔagshogpo ni cespabo innog.

Masheskanni skad taʔ luʔstan shadces.

14:1 ne 25

14 ¹ Cespe lammi naʔna ʔulinzhig, thugnyiddi salla dzadkanni khyudgunnian ʔodpa borgoshes innog, migsal coste luʔstan shadcessi khyud.

² Masheskanni skaddi naʔna spera taʔcessi khyud yodkangunni, Konchog cigpoa spera taʔste innog. Yaʔ thugnyid gyudte saʔwe naʔna vaste yodkangun shad pasaj, migunni khoʔgunni zerkangun hagoa manog. ³ Innaj luʔstan shadkangunni zhanma tatpacangunla shedcan, spospa taʔ semssi naʔna zhide gun khyoʔʔanog.

⁴ Masheskanni skaddi naʔna spera taʔkanboe khoraj cigpoe semspo shedcan coanog, innaj luʔstan shadkanboe chostshogs gaʔpo shedcan chaa cugganog.

⁵ Khyozhaa tshaʔme masheskanni skaddi naʔna spera taʔnyances innaj tesaʔ maʔna luʔstan shadnyancesla ʔe rewa coad. Chostshogs gaʔpo shedcan cocessi phia luʔstan shadkanbo masheskanni skaddi naʔna spera taʔkanboe saʔ maʔna ʔaʔpo innog, namtshogpa masheskanni skadbo suzhiggi skadgyur coste mishad.

⁶ Spun taʔ spunmo gun, galtes ʔa yoʔste khyozhaa masheskanni skaddi naʔna spera taʔna, khyozhagunla ci phanthogs thobin. Innaj galtes ʔe khyozhagunla Konchoggi ʔaa sʔon cugga dzadkangun ya migsalli yontan ya luʔstan ya labzha shadna, tebo khyozhagunni dadpe phia phanthogscanzhig innog. ⁷ Tenna tsogsla ʔog medkanni rolmo, liʔbu ya harb zerkangun salpo coste maʔogna, suzhiggiyaʔ teboe yaʔspo hago mithub. ⁸ Yaʔ galtes tuʔbo salpo coste maphuna tene magmigunla maggi phia bodkanbo kazuggi hagoiʔ?

⁹ Tenna tsogsla, galtes khyozhagunni migunla hamigocessi tshigsgunni naʔna spera taʔna tene khyozhagunni zerkanbo khoʔgunni kazuggi hago thubin? Tebo khyozhagunni luʔspe naʔna spera taʔkan tsogs innog.

¹⁰ Jigstenni nanja skad snatshogs manpo yodte innog, yan skad tshanmala tontag yodte innog. ¹¹ Innan galtes na skadzhig hagoa medna, teboe nanja spera tankanboe dunla na zhanyulli mizhig tsogs, yan te spera tankanbo ne dunla zhanyulli mizhig tsogs innog. ¹² Yan khyozhagunni phian tebo tsogs innog. Khyozhagunla thugnyiddi salkanni khyud gosnyin yod pasan, chostshogs ganpo shedcan cokanni khyudrig tsolshig.

¹³ Teboephia masheskanni skaddi nanja spera tanjangunni, te zerkangun skadgyur cocessi khyuddi phian moslam phulgoshes innog. ¹⁴ Galtes ne masheskanni skaddi nanja moslam phulna, moslambo ne semsnyiddi phulte innog, innan ne zerkanbo na hagoa manog.

¹⁵ Ta tene ne ci co? Ne semsnyid tan na hagokanni tshigs nyisko nyampo moslam phulin. Ne semsnyid nyampo matshad na hagokanni tshiggunni nanjan Konchogga stodpe lu tanin. ¹⁶ Galtes khyoranji Konchogga semsnyid cigpone stodpa phulna, tene khyoranji skad hamagokangun tenanja kazuggi desin, ciazerna khongunla khyoranji zerkangun hagoa manog. ¹⁷ Tantanla khyoranji thugrjeche phullanog, innan teboe, nyankangunni semspo shedcan coa manog.

¹⁸ Na khyozhagunni san manja masheskanni skaddi nanja spera tan nyancesi phia ne Konchogga thugrjeche phullad. ¹⁹ Innan chostshogssi nanja, zhanmagunla labzha tancessi phia ne masheskanni skaddi nanja tshigs stoncu shaddi san hagogescanni tshigs sha shadcesrag.

²⁰ Spun tan spunmo gun, tegun hagogessi nanja khyozhe samba tugu tsogs yon magos. Khyozhaa nanpa cocessi nanja skyonmedkanni tugu chun, innan te labzhagun hagogessi nanja ldankan tsogs gyurshig.

²¹ Konchoggi dampe sunrabssi nanja molte dug, "Ne nanjanji migunla skadrig soso tan zhanyulli migun gyudte spera tanin, tenean khongunni ne khaa minyan."^o

²² Masheskanni skaddi nanja spera tancesso ni, tatpacan manpa, tatpa medkan gunni phia stagsshig innog. Innan lunstan ni, tatpa medkan manpa, tatpacan gunni phanthogssi phia innog. ²³ Galtes chostshogs ganpo dzomste yodtus, tatpa medkan ya, tetsogs khyuddi skorla hamagokan rig yonste khyozhaa tshanme masheskanni skaddi nanja spera tanin tshorna khongunni khyozhagun snyoste innog zerra manogga? ²⁴ Innan galtes khyozhaa tshanme dzomste lunstan shadin yod tus, tatpa medkan ya, tetsogs khyuddi skorla hamagokanni mirig yonna, khyozhe

^o14:21 ibo ni zhalchad snyinpe Yeshya speche 28:11, 12 gunni nanja yodte innog.

shadkangun gyudte khoᅅgun sdigcan inkan yaᅅ Konchoggi thimscad dzadcespo hagothubbanog. ²⁵ Khoᅅgunni nyan zane, khoᅅgunni saᅅwe sdigpe samtshulgun bete, khoᅅgunni pigdoᅅ tsugste Konchogga colin, "Konchog khyozhagunni ᅅoa denbaa zhugste dug" zerin.

Tshir naᅅzhin chos cocessi ka.

14:26 ne 40

²⁶ Ona ᅅe spun taᅅ spunmo gun, dorldusna, khyozhagun nyampo dzom zane tshir naᅅzhinla, ciggi choslu taᅅces, ciggi labzha taᅅces, ciggi khyozhagunla Konchoggi sᅅon cugga dzadkangunni skorla shadces, ciggi masheskanni skaddi naᅅᅅa spera taᅅces, yaᅅciggi khoe zerkangun skadgyur cogoshes innog. I tshaᅅma khyozhagun shedcan cocessi phia coste innog.

²⁷ Mi nyis ya summi mane, masheskanni skaddi naᅅᅅa spera taᅅ magos. Khoᅅgunni ciggi stiᅅne cig tshirka coste spera taᅅgos, yaᅅciggi khoᅅgunni zerkangun skadgyur cogos. ²⁸ Innaᅅ galtes skadgyurkan suzhiggaᅅ medna, tene masheskanni skaddi naᅅᅅa spera taᅅkanboe, chostshogssi naᅅᅅa cubcadte dugste saᅅwe thogne khoran taᅅ Konchogga spera taᅅgos.

²⁹ Mi nyis ya sumzhigga luᅅstan shadcugshig, yaᅅ zhanmagunla tegunni zerkanbo denbaa Konchoggi chogsne innogga ya manog, thagcad cugshig. ³⁰ Innaᅅ galtes suzhiggi luᅅstan shaddi tusla, zhanmizhigga Tsooe chogsne lon somazhig thobna, tene luᅅstan taᅅin yodkanni miboe luᅅstan shadcespo ghaggos. ³¹ Tezug cocespoe luᅅstonpa tshaᅅmala luᅅstan shadcessi skabs thobste chostshogs gaᅅpoa lobshes taᅅ spospa skyeyin. ³² Idtu borshig, luᅅstan shadkangunla khoᅅraᅅgunni semsnyidgun cunte bor nyannanog. ³³ Ciazerna Konchog ni, tshirka medkan manpa, zhideo Konchog zhugste innog, kazug zhan chostshogs tshaᅅma dzom zane yodte innog.

³⁴ Chostshogssi naᅅᅅa dzom zane, bumogunni spera mataᅅᅅa duggoshes innog. Khoᅅgunni spera taᅅcespo ospa manog, kazug luᅅstonpa Mozessi thimssi naᅅᅅa molkan naᅅzhin, khoᅅgun raᅅᅅi magpagunni waᅅᅅi yogga duggoshes innog.

³⁵ Galtes khoᅅgunla ᅅiwa rig yodna, khaᅅpaa khoranᅅgunni magpagunla ᅅigoshes innog, ciazerna chostshogs dzomste yodsaa bumogunni spera taᅅcespo thelbazhig innog.

³⁶ Ci Konchoggi kabo, khyozhaa Korinthipagunni kane gomaraᅅ cuᅅste innog samma ragga? Ci khyozharaᅅ cigpoa, tebo salla dzadssa? ³⁷ Galtes suzhiggi khoran

luṅstonpa ya semsnyiddi khyud yodkanzhig in sammadna, tene ṅe zerkangun Tsooe ka salte inkanbo khyoraṅṅa hagogos. ³⁸ Innaṅ galtes khyozhagunni teboa snaṅmed cona, tene Konchoggi khyozhagunla snaṅmed coa dzadin.

³⁹ Teboephia ṅe spun taṅ spunmo gun, luṅstan shadcesla riṅsshig, yaṅ zhanmaa masheskanni skaddi naṅṅa spera taṅ magos mazershig. ⁴⁰ Innaṅ citshaṅma tshirka naṅzhinla cocessi naṅṅa tantan coshig.

Mashika shikangunni ṅone zhaṅssa dzads.

15:1 ne 11

15 ¹ De spun taṅ spunmo gun, ta ṅa khyozhagunla ṅe sṅunla shadkanni gamoe nastshulli skorla idtu skulcugshig. Te zane khyozhagunni te nastshulboa gasus zhuste inpin, yaṅ taruṅṅaṅ teboe naṅṅa stanpo innog. ² Galtes khyozhagunni ṅe shadkanni gamoe nastshul idshes coskanboe naṅṅa stanpo dugna, tene te lonboe khyozhagun skyobin, te mane khyozhagunni caṅ phanthogs medkanzhiggi naṅṅa tatpa coste innog.

³ De lagga stadda dzadkan tshaṅmesaṅ khagcanbo, ṅe khyozhagunla taṅste inpin, dampe suṅrabssi naṅṅa molte yodkan naṅzhinla tebo ni Mashika ṅadaṅgunni sdigpe phia ḍoṅssa dzads. ⁴ Yaṅ dampe suṅrabs naṅzhin khoṅ spurkhaṅṅi naṅṅa subs yaṅ zhagma sumpe zhagga shikangunni ṅone sontea zhaṅssa dzads. ⁵ Khoṅ taṅpo Pitarri, tene mashike skutshabs rcugnyispoe jalte inpin. ⁶ Teboe stiṅne tusciggika khoṅraṅṅi lobṅug 500 saṅ maṅṅazhiggi jalkyag, tegunni ṅone khacig ḍoṅs tsharte innaṅ maṅcheazhig taruṅṅaṅ sontea yodte innog. ⁷ Tene khoṅ khoṅraṅṅi no, Yakob yaṅ stiṅne skutshabs tshaṅme jalkyag. ⁸ Innaṅ stiṅjugga yamtshan tshulli naṅṅa skyeskan ṅeaṅ khoṅ jal. ⁹ Da skutshabs tshaṅme naṅṅe thushogpo in. De Konchoggi chostshogsgunla nags stan pasaṅ, ṅa skutshabs zercessi ospaṅ med.

¹⁰ Innaṅ dagsa ṅa yodkanbo ni, Konchoggi ṅeka migsalli thugrjegun phoa dzadcespoe in, yaṅ tebo godla soṅte manog. Ciazerna ṅe zhanyaṅ skutshabsgunni saṅ stsonḍus maṅṅa coste las coad. Innaṅ tebo ṅa manpa, Konchoggi khoṅraṅṅi thugrje gyudte, ṅe naṅṅa chaglas dzadte innog. ¹¹ De chosshaddaddo ya khoṅgunni, caṅ khyadzhig medpa innog, ciazerna ṅazhaa tshaṅme lon tsogspo shaddanog, kaboia khyozhagunni tatpa coste innog.

Shikangun sontea lanja dzadces.**15:12 ne 34**

¹² Innaj ɲa ibo shodshig, ɲazhagunni Mashika shikangunni ʒone sontea zhanste innog zerteaj, khyozhaa khaciggi shite stijne sontea lanjespo medkyag cia zerrad?

¹³ Galtes shite stijne sontea lanjespo medpinna, tene Mashikanj sontea zhanste meddo. ¹⁴ Yaj galtes Mashika mazhanjpinna, tene ɲazhagunni chosshadces tshanma phanmithogs innog, yaj khyozhagunni tatpaboaj. ¹⁵ Matshad ɲazhaa skutshabsgunni Konchoggi spanjo zunba tanje innog, ciazerna ɲazhagunni Konchoggi Mashika spurkhanji nanje sontea lanja dzadkanboe spanjo tanjanog. Innaj galtes shite stijne sontea lanjshespo denba manpinna, tene Konchoggi Mashika sontea lanja madzadda innog. ¹⁶ Yaj galtes shite stijne sontea lanjespo medna tene Mashikanj sontea mazhanjssa innog. ¹⁷ Yaj galtes Mashika sontea mazhanjssa yodna, tene khyozhagunni tatpagun phanmithogsshig innog, yaj khyozhagun tarunjan khyozhe sdigpe nanja nojscan luste innog. ¹⁸ Tene mashike nanja tatpa yodte shikan tshanmaj nyalwe nanja lebeste innog. ¹⁹ Yaj i mitshe nanja galtes ɲadanjgunni mashike nanja sontea lanjessi rewabo tonmed inna tene ɲadanjgun tshanmesaj sdigparig innog.

²⁰ Innaj ɲospoa Mashika shikangunni ʒone sontea zhanjssa dzadte innog. Khoj ni shikan tshanme stonhogg chenmoe dasbu tanpobo innog.

²¹ Kazuggi jigstenni nanja shicespo Adam zerkanni mibo gyudte yonja tsogsla ta shikangunni ʒone sontea lanjshespo Mashika zhukanni mibo gyudte cunjste innog. ²² ɲadanj tshanma Adammi phorgyudgun in pasaj, shianog. Tenna tsogsla mashike inkan tshanmala mitshe somazhig salla dzaddanog. ²³ Innaj shite stijne lanjescespoa tshirkazhig yodte innog. Stonhoggi gome dasbu Mashika, logste skyod zane, khojji inkan tshanma sontea lanja dzadin.

²⁴ Teboe stijne thamabo lebin, khojji wanjŋulpa, waj tanj shed yodkan tshanma medkan coa dzadte gyaljidpo yab Konchoggi chagga phulin. ²⁵ Konchoggi khoranji dao tshanma, mashike zhabssi yogga khyonkhyonj tshogpala, khojji wanjulla dzadgos. ²⁶ Yaj shices ni stinjuggi dao medkan cocescanbo innog.

²⁷ Dampe sunrabssi nanja mashike skorla molte innog "Konchoggi citshanma khojji wanji yogga borra dzads"^P Ona "Citshanma khojji wanji yogga borra

^P**15:27** ibo ni zhalchad snyinje sunjurri speche 8:6 nanja yodte innog.

dzads" molla dzad zane, Mashikaa waŋcha salla dzadkan Konchog khoŋraŋ teboe naŋŋa thea madzadda innog. ²⁸ Tene khoŋŋi citshaŋma mashike waŋŋi yogga khyoŋ tsharracig, mashike khoŋraŋ Konchoggi waŋŋi yogga borra dzadin, tene Konchoggi karuŋsa citshaŋmeka waŋŋulla dzadin.

²⁹ Galtes shikanzhig sontea malaŋna, tene khaciggi, shikangunni tshabsla theslencespoa ci gyuntshan yodkyag. Galtes shikangun sontea laŋŋa medna, khoŋgunni tezug ciphia coste innog.

³⁰ Yaŋ sontea laŋcespo medpinna, tene ciphia ŋazhe ŋazharaŋŋi mitshe jigspe naŋŋa tusgyun borranog. ³¹ Spun taŋ spunmo gun, tantanla ŋe zhagdaŋ shicessi jigspagun doŋlen coad. Yaŋ ŋadaŋŋi Tsoo Mashika Yeshui khyozhagunni naŋŋa chaglas zaŋpo coa dzadkanboe naŋŋa ŋe phoso tshorkanboaŋ, denba innog. ³² Yaŋ galtes shite stiŋne sontea laŋcespo medna, rii naŋŋa dugkanni semscan tsogs, te Ephesuspagun nyampo nolkanboe ŋa ci phanthogs yoŋs. Yaŋ tatpa medkangunni zerkan tsogsla ŋadaŋŋiaŋ zerŋidces innog, "Yoŋshig, zen thuŋin, ciazerna thore ŋadaŋgun shianog."^q ³³ "Shite stiŋne sontea laŋŋa manog" zerkangun tsogsla khyozhagun buŋbu magyurshig. "Ŧopa ŋanpe codpa zaŋpo shigganog" zercespo idtu coshig. ³⁴ Daŋpo mankanni samba phaŋste shesrabscan rig gyurte sdigpa macoshig. Khyozhagun thelcugcesla ŋe zerrad, khyozhaa khacigga Konchog shes khoran shessa manog.

Shikanni zugspo laŋŋa dzadces.

15:35 ne 58

³⁵ Innaŋ khyozhagunni tone khaciggi, "Kazuggi shikanzhig laŋs nyannanog? Khoŋgunla zugspo kazugshig yoŋŋanog?" Zerte tiŋidces innog. ³⁶ Ci samba medkanni tiwazhig innog! Khyozhagunni saon tab zane, tebo mizhig shite se naŋŋa subskan tsogsla subste mastogs, skyea manog. ³⁷ Yaŋ khyozhagunni tabkanbo skyekanni saspos manpa khyozhagunni tabkanni do ya yaŋrigssi saonzhig innog. ³⁸ Tene Konchoggi teboa khoŋraŋŋi thugsdod naŋzhinla, zugspo somazhig salla dzaddanog. Saon rere tenna rigssi zugspoe naŋŋa ldannanog. ³⁹ Tenna tsogsla sha rigs maŋpo yodte innog, rigs cig ni mi, yaŋcig semscan, yaŋcig cipa, yaŋcig nya innog.

^q15:32 ibo ni zhalchad snyiŋpe Yeshya zerkanni speche 22:13 naŋŋa yodte innog.

⁴⁰ Namkhe zugs tañ jigstenni zugs nyis yodte innog. Namkhe zugsgunni zirrijdpo ni jigstenni zugsgunni sañ soso rig yodte innog. ⁴¹ Nyima khorañña zirrijd rigs cig, yañ lzawa tañ skarmagunla zhanyañ zirrijd rigs cig yodte innog, skarma tshañme naññañ khorañ cig tañ ciggi nañña zirrijd soso rig yodte innog.

⁴² Tenna tsogs, shite stiñne sontea lañsshespoañ innog. Ñadañgun shi zane, ñadaññi jigstenni zugspogun se nañña subbanog, innañ tegun tusgyun lussnessi phia sontea lañña dzadces innog. ⁴³ Zhan tegun spal medte subnañ, tegun zirrijdi nañña lañssanog. Tegun shedmedkanni nañña subbanog, innañ tegun shedcan gyurte lañña dzadces innog. ⁴⁴ Tegun mii zugspoe tshulla subbanog, innañ semsnyiddi zugspogunni tshulla lañña dzadin, kazug rañzhinni zugspogun yodda tsogsla, semsnyiddi zugspogunnañ yodte innog.

⁴⁵ Dampe suñrabssi nañña molte innog "Adam zerkanni mi tañpobo, şog yodkanni mizhig dzadte inpin"^r Innañ thame Adam, kabo Mashika zhugste in, khoñ ni thugnyiddi mitshe salkanzhig zhugste innog. ⁴⁶ Tañpobo ni thugnyiddi zugspo manpa, rañzhinni zugspozhig innog, te stiñne thugnyiddi zugspobo cuñste innog. ⁴⁷ Adam zerkanni mi tañpobo, jigstenni se kane coa dzadte inpin, innañ mi nyispa Mashikaa namkane phebste inpin. ⁴⁸ Jigstenni migun jigstenni mibo tsogs, yañ namkhe migun namkhe mi tsogs yoññanog. ⁴⁹ Kazug dagsa ñadañgun jigstenni mibo tsogs in, zhagshig ñadañgun namkhe mibo tsogs gyurces innog.

⁵⁰ Spun tañ spunmo gun, ñe zercessi tontagpo ni, ñadañgunni i zugspoboa Konchoggi gyaşid norskalla thobba manog. Shicescanni i zugspoa tusgyun lussnescanni Konchoggi gyaşidpo norskalla mithob. ⁵¹ Innañ ñe khyozhagunla halassnessi sañwabo sñoncugin. Ñadañgunni nañne tshañma mishi, innañ ñadañ tshañma gyur cugga dzadin. ⁵² Tegun mig tabkan tsogsla hunmedla cuñces innog nam Konchoggi phonyagunni thame tuñbo phuin. Tuñbo phuacig, shite yodkan tshañma tusgyunni phia sontea lañña dzadces tañ ñadañ sontea luskangun gyur cugga dzadin. ⁵³ Ñadañgunni rulcescanni zugspo mirulces yañ shicescanni zugspo tusgyun sontea luskan gyurgos.

⁵⁴ Ñadañgunni shicescanni zugspogun mane mishicescanni zugspoe nañña gyurracig, i dampe suñrabspo ðañða ðubces innog, "Konchoggi gyalkhe shicespo medkan dzads."^s

^r15:45 ibo ni zhalchad snyinpe nañña gozug zerkanni speche 2:7 nañña yodte innog.

^s15:54 ibo ni zhalchad snyinpe Hoshayi speche 25:8 nañña yodte innog.

⁵⁵ "Wa shices, ta khyoraŋŋi gyalkhabo kare.

Wa shices, ta khyoraŋŋi nodpa kazuggi skyalin?"^t

⁵⁶ Sdigpe zhaste migunnika shices cuŋŋanog, yaŋ thims gyudte ŋadaŋŋa sdigpe, ma jigspa thestor cokanni waŋbo hagoanog. ⁵⁷ Innaŋ Konchogga thugrjeche, khoŋŋi ŋadaŋgunni Tsoo Yeshu Mashika gyudte ŋadaŋgunla sdigpa taŋ shicessika gyalkhaa salla dzadte innog.

⁵⁸ Teboephia ŋe spun taŋ spunmo gun, dadpe naŋŋa shedcan taŋ stanpo gyurshig. Tusgyun Tsooe phia riŋsinzhig zhabstog zhushig, ciazerna Tsooe phia cizhig conaŋ, godla michacespo khyozhagunla gyusinnog.

Tatpacangunla gyunorri rogs.

16:1 ne 4

16 ¹ Ta Yerushalemmi naŋŋa Konchoggi migunni phia lduin yodkanni pene skorla khyozhe tiwa tikanni lanla, galatiye chostshogsgunla ŋe taŋkanni labzhe naŋŋa khyozhagunnaŋ dulgošes innog. ² Zanyima rimssi khyozhagunni raŋraŋŋi las coste thobkanni penei naŋŋe khagzhig thente, borgošes innog. Na teru yoŋyoŋ tshagpa ŋuŋste madugga, tebo dagsane pharla coshig. ³ Na teru lebste skyesgun Yerushalemmi naŋŋa khyercessi phia khyozhagunni ldamkanni lonkhyerkangunla, ŋe gyabsheddi ige rig diin. ⁴ Yaŋ galtes khyozhagunni ŋaa khoŋgun nyampo chacespo phanthogscan dug samna, khoŋgun ŋa nyampo yoŋnaŋ diŋste innog.

Paului stinjuggi labzhagun.

16:5 ne 18

⁵ Na makedoniye yulla soŋte stiŋne, khyozhagun yodsa thuggala yoŋin, ciazerna ŋe Makedoniyaa gyudte besla chacessi thabsldiŋste in. ⁶ Cigyus ŋa khyozhagun nyampo banshig dugin ya ghun gaŋpoaŋ, tene khyozhagunni ŋa kayulla chanaŋ, teru ŋaa gosdomgun taŋste lamcug nyances innog. ⁷ I lan ŋa tsapigzhig thugga yoŋste chacessi dodpa merag, galtes Tsooe ŋa goŋspa salla dzadna, ŋa yoŋste tusbanshig dugnyinrag. ⁸ Innaŋ pentikossi gaston lebleb tshogpala, ŋa iru Ephesussi gyalse naŋŋa dugin. ⁹ Zhan iru maŋpozhiŋgi ŋe gyabgal conaŋ, ŋa dasbu zaŋpo sminšidcescanni las gyalla cocessi skabs zaŋpo rig thobste yod.

^t15:55 ibo ni zhalchad snyiŋpe Hoshayi speche 13:14 naŋŋa yodte innog.

¹⁰ Ne spun Timothi leb zane, khyozhe ʔoa khoa jigsnaŋ yoŋ macugshig ciazerna ʔe cokan tsogsla khoeŋ Tsooe lasgun coin innog. ¹¹ Suzhiggaŋ khoa rinmed co macugshig. Kho ʔa yodsa logste yoŋ zane khyozhagunni, cinlabs nyampo kho lamcugshig. Kho zhanyaŋ tatpacangun nyampo yoŋcessi ʔe rewa coad.

¹² Ta ʔadaŋgunni spun Apolossi skorla zhuna, ʔe khoa khyozhagunnika zhanyaŋ tatpacangun nyampo chacesla spospa taŋin zhuwa phulpin, innaŋ khoa dagsa chaccessi dodpa mirug. Yaŋ skabs thob zane kho khyozhagunla thugga yoŋin.

¹³ Shaŋ coshig; dadpe naŋŋa stanpo dugshig; semsshugscan yaŋ dadpe naŋŋa shedcan gyurte dugshig. ¹⁴ Citshaŋma cespa nyampo coshig.

^{15–16} Khyozhagunla gyusinnog, Stephannas zerkan taŋ khoe naŋmi tshaŋma Griissi naŋŋa tatpacan taŋporaŋ inpin. Yaŋ khoŋgunni Konchoggi migunni phia zhabstog zhuccessi naŋŋa tusgun phudin innog. Spun taŋ spunmo gunla ʔe spospa taŋin zhuwa in, khyozharaŋgun khoŋgun taŋ zhanyaŋ itsogssi dodpa cigpo nyampo zhabstog zhukangunni waŋŋi yogga borshig. ¹⁷ Dadaŋŋi spun Stephannas, Phorcunnatus taŋ, Akhikas gun iru lebcespoe ʔa ma thadpo rag, ciazerna khoŋgunni khyozhe tshabs coste ʔa rogs corug. ¹⁸ Khyozhagunla yodda tsogsla khoŋgun ʔe phiaŋ halassi spospa rig gyurte in. Khoŋ tsogssi mi, gyalla coste zhabstog zhukangunla khyozhagunni stodpa phulgos.

Paului stinjuggi ju zhus.

16:19 ne 24

¹⁹ Asiae gyalkhaggi naŋŋa yodkanni chostshogsgunni Tsooe tshanni naŋŋa ju kaldug. Spun Akuilaa taŋ khoe nama Prisila yaŋ khoŋŋi khaŋpe naŋŋa tshogskanni chostshogssiaŋ ju kaldug. ²⁰ Iru yodkanni spun taŋ spunmo tshaŋme khyozhagunla ju kaldug. Cig taŋ cigga camspa nyampo ju zhus.

²¹ Ta ʔa Paului ige ʔikanboe kane nyigu khyoŋste ʔaraŋŋi lagɔdissi naŋŋa ju kallad.

²² Galtes suzhiggi Tsooa cespa coa medna, te miboa ʔan phogganog. Dadaŋgunni Tsoo gyogspa skyodshig.

²³ Tsoo Yeshui thugrje khyozhagun nyampo lusshig.

²⁴ Mashika Yeshui inkan tshaŋmala ʔe cespa kallad.